

1690

DE

T U B E R C U L I S.

**DISSERTATIO INAUGURALIS
PATHOLOGICA**

QUAM
CONSENTIENTE AMPLISSIMO MEDI-
CORUM ORDINE

IN
UNIVERSITATE LITERARUM CAESAREA
DORPATENS,

U T G R A D U M
DOCTORIS MEDICINAE

HIC ADIPISCATUR,
CONSCRIPSIT ET PUBLICE DEFENDET
MICHAEL KANTEMIROV,
MOSCOVIENSIS.

DORPATI LIVONORUM.

TYPOIS J. C. SCHUENMANNI,
TYPOGRAPHI ACADEMICI.

MDCCCLXXXV.


1690
Tartu Ülikooli
Raamatukogu
54604

IMPRIMATUR

haec dissertatio, ea tamen conditione, ut, simulac
typis excusa fuerit, quinque ejus exempla collegio libris
explorandis constituto tradantur.

Dorpati Liv. die XXII. m. Maji a. MDCCCXXXV.

DR. ALEX. HUECK,
Ord. Med. h. t. Decanus.



PRO O E M I U M.

Vox, tuberculum, secundum regulas etymologiae nonnisi hanc habet significationem, ut parvum tuber denotet; quo sensu latiori antiquitus a scriptoribus usurpari solebat, usque dum viri docti sub hac voce peculiarem morbum pulmonum intelligere inciperent. Difficile dictu est, uti legimus in articulo de tuberculis, quem exhibet liber inscriptus: „*Dictionnaire des sciences medicales*,“ quoniam primum tempore significatio haec angustior tuberculi orta fuerit. Raro, ibidem scriptum videmus, vox illa in operibus Bonetii et Morgagnii nobis occurrit et semper quidem sensu

latori, etiamsi de pulmonibus sermo sit, hi enim scriptores hac voce nonnisi formam partis morbo affectae indicabant. Caeterum Morgagni tubercula, nunc tam saepe in cadaveribus phthisi pulmonum consumtorum obvia, ne vidisse quidem videtur, cum, hunc morbum contagiosum esse putans, ad evitandam contagionem sectionem omitteret, quod etiam ex hisce ipsius verbis elucet: „Illa (cadavera) fugi de industria adolescens, et fugio vel senex, tunc ut mihi, nunc ut studiosae, quae mihi circumstat, juventuti prospiciam, cautius fortasse, quam opus sit, ac tutius.“ Willius contra causam phthisis pulmonum jam tuberculis, quibus tamen nondum sensum tam determinatum, uti nostris temporibus, ab ipso subjici verisimile est, adscribit (1). Morton (2), Reid (3), Raulin (4), Portal (5) porro in eo consentiunt, ut tubercula pro peculiaribus proventibus morbosis pulmonum habeant; bonam interdum descriptionem eorum propo-

nunt, sed haud raro etiam proventus pulmonum morbosos, qui diversi sunt generis, inter se commiscent. Baillie, qui saeculo superiori valde excelluit in arte anatomica, quando de tuberculis pulmonum disserit, accuratam exhibet definitionem tuberculi, tanquam proventus morbosii periculare; quando vero de tuberculis hepatis agit, voce tuberculi nonnisi formam proventuum morbosorum insignire vult, quare etiam quatuor species tuberculorum sive nodorum hepatis discernit (6). Tam incerta adhuc tunc temporis notio tuberculorum erat!

Bayle primus fuisse videtur, qui notionem tuberculorum prius tantopere fluctuantem in clariore luce poneret, dum proventus hosce morbosos in cadaveribus hominum, qui phthisi pulmonali obierunt, non solum in pulmonibus, sed etiam in omnibus reliquis organis sedulo exquireret et ita viam sterneret, quam qui ingrederentur disquisitione ulteriore instituta ad clariorem intelle-

ctum notionis tuberculorum pervenire possent. Viri docti jam celeberrimi Bayle indagationibus admoniti ad tubercula non solum in hominibus, sed in variis etiam bestiis accurate examinanda sese converterunt; cum vero omnino sub diversis conditionibus tubercula explorarent, exitus etiam explorationum diversi erant, quare non potuit non accidere, ut de natura tuberculorum eorumque causis ad nostrum usque aeyum diversae extiterint sententiae. Quae sententiarum diversitas eo minus mira alicui videbitur, quo saepius in memoriam revocaverit haec Treviran i celeberrimi verba: „Jeder Mensch, er gehe mit noch so reinem Herzen an das Studium der Natur, hat gewisse Lieblingsmeinungen, die seinem Beobachtungsgeiste Fesseln anlegen; — und wer besonders mit Beobachtungen umgeht, die nur zu subjectiven Erfahrungen führen können, bleibt ewig den Gefahren der Täuschung ausgesetzt: sieht er Dinge, die mit seinen Lieblings-

ideen übereinstimmen, so kann er gefunden haben, was er finden wollte etc. (7) — Quaenam vero sint scriptorum clarissimorum sententiae de natura tuberculorum, ex capite proximo apparebit.

C A P U T I.

De natura tuberculorum.

Bayle tubacula nobis ante oculos ponit tamquam corpora, quae ex materia homogenea, haud-pellucida, pallida vel subflava, interdum subfuscata constant, quae porro vasa capillaribus penetrata, modo capsulis inclusa sunt, modo capsulis carent et tres periodos diversas percurrent; ab initio nempe dura sunt, tunc in centro suo, quod in materiam purulentam et friabilem commutatur, mollescunt, et denique per suppurationem plane destruuntur. Talis fere est clar. Bayle notio tuberculorum, quorum doctrinam in scriptis suis fusius exposuit. (8) Quoad descriptionem tuberculorum vero a plurimis scriptoribus, in primis recentioribus, in eo potissimum recedit, quod tuberculis vasa adsignat.

Laennec, qui, ut ipse dicit, in eo occupatus erat, ut Baylii observationes emendaret et extenderet, nos docet (9), tubacula pro diverso gradu formationis suae sub diversis formis

sese nobis representare, materiam tuberculosam vero, qualicunque forma in lucem prodeat, primus speciem materiae canae (griseae) et semipellucidae, quae paulatim flava atque densior fit lucemque non amplius transmittat, sensim sensimque in formam liquidam puri fere similem transiens, prae se ferre. Plerumque tubercula auctore Laennec propullulant sub forma granorum parvorum, canorum et semipellucidorum, interdum adeo fere pellucidorum et decororum, quorum consistentia paulo minor est quam illa cartilaginum; ejusmodi tubercula Laennec pro eorum magnitudine tubercula miliaria nominat. Increscunt et quidem per intussusceptionem, porro si non valde a se invicem remota sunt, confluunt et conglomerationes efficiunt (*zusammengehäufte Tuberkel, tubercles en masse*); sunt vero etiam simul cum incremento suo subflava lucemque transmittere desinunt, primum in centro et deinde paulatim in toto ambitu suo, usque dum denique in massam homogeneam, haud pellucidam, ex albo flavescentem, cuius textura minus dura et humidiior est, quam illa cartilagineum, transeant, quo in statu a Laennecio *tubercula cruda* vocantur. — Alia forma, sub qua ex auctoritate Laennecii tubercula in pulmonibus obveniunt, est *infiltratio tuberculosa* ubi duae imprimis species bene distinguendae sunt, nempe *infiltratio tuberculosa cana* et *infiltratio tuberculosa gelatinosa*. In specie priori, quae circa tuberculorum cavernas saepissime observatur, tela morbo affecta pulmonum densa est, dura porro cartilagineis instar, caeterum humida, aëri plane patens

et modo magis modo minus colorem prae se fert canum. Quo magis hae duritiae in statum tuberculorum crudorum transeunt, eo magis in iisdem quantitas punctorum parvorum, flavorum lucemque haud transmittentium formatur, quae, numero et magnitudine eorum auctis, denique totam partem obdurata implent eamque in tuberculosam infiltrationem crudam atque flavam mutant. Infiltratio tuberculosa gelatinosa duce Laennecio saepissime inter tubercula miliaria nobis obvia est eaque consistit ex materia humida magis, quam liquida, decolore vel facile sanguinolenta, quae speciem gelatinæ pulchrae prae se fert et dum paulatim densior fit, denique pariter in massam tuberculorum crudam flavamque commutatur.

Quod ad formationem tuberculorum ultiorem attinet, i. e. postquam ad statum, quem dicunt crudum, pervenerunt Laennecius aequo ac omnes reliqui scriptores cum Baylio in eo consentiunt, tubercula tempore modo longiori modo breviori praeterlapso mollescere. Quomodo autem haec mutatio a diversis auctoribus describatur, infra videamus; nunc primum nobis, ut veritatem sententiae Laennecii circa formationem tuberculorum perscrutemus atque in naturam et notionem tuberculi accuratius inquiramus, propositum est referre, quid alii scriptores sub tuberculis intelligent et quamcum noscum communicent descriptionem tuberculorum in statu duritiei.

Quamquam Laennecius, quoad notionem tuberculi cum Baylio non plane consentit,

cum transitum tuberculatum ex statu cano et semipellucido in statum, quem dicit crudum, sumat et granulationes canas semipellucidasque, quas Baylius pro specie proventus fortuiti a tuberculio diversa habet (10), primum gradum formationis tuberculorum esse dicat; tamen duobus hisce scriptoribus maxime referendas sunt gratiae, quod eorum auctoritatem secuti viri docti incepint, tubercula non, quemadmodum prius, tanquam effectus mutatae fabricae telarum organicarum ipsarum, sed tanquam corpora sui generis considerare. Quaestio autem, num haec producta nova et accidentalia inter organica an inter inorganica corpora locum suum teneant, vario modo soluta est. In qua sententiarum incertitudine si quis ad Laennecium, qui diu gloria optimi scriptoris de doctrina tuberculorum fruitus est, vellet confugere, parum solatii exinde reportaret; nam in ejus descriptione anatomica tuberculorum nihil sere exstat, quod notionem organisationis nobis possit subministrare, nihilominus vero affirmat, tubercula intussusceptione augeri, quod tamen nonnisi corporibus organicis proprium est. Non quidem dicebat, se tubercula pro organismis inferioribus vel pro pseudo-organisationibus habere (alis enim positio forsitan infiltrationi tuberculosae, quam accurate descripsit, repugnare), sed tamen in ejusdem sententia tam de incremento tuberculorum, quam de formatione eorum in universum, forsitan prima causa quaerenda est, cur nonnulli tubercula inter pseudo-organisationes et parasitos referrent. Quae opinio invalescebat, postquam Dupuy in Francogallia et Baron in Anglia provocantes

ad observationes a se in animalibus institutas, judicium tulerant, tuberculum in origine sua corpus esse vesicae simile. Baron theoriam etiam peculiarem de natura tuberculorum in lucem protulit, probare studens, tubercula nihil aliud esse, nisi hydatides transformatas. Tuberculum nempe quoad originem suam vesicam esse impletam liquore seroso, quae primum talem patiatur transformationem, qua liquor turbidior semper crassiorque fiat, ita ut tuberculum postea in eam formam abeat, qua plerumque in homine observari incipit, raro nimirum contingere, ut in homine status primarius tuberculorum sese nobis conspiendium preebeat. Ultiorem tuberculorum formationem Baron per mutationes et transformationes, quas hydatides adhuc subire debeant, explicare studet. Ex ipsis auctoritate tubercula nunquam suppurant, cavernas vero efficiunt aut per disruptionem folliculi, antequam materia, quae inest, firmitatem sufficientem nacta fuerit aut per dissolutionem tam folliculi, quam ejus, quod folliculo continetur, postquam transformatio et solidatio perfecta amborum locum habuerint (11).

Baronem ad proponendam theoriam suam, cui tamen pauci tantum adseclae calculum adjecerunt, praesentia simultanea follicularum serosorum (hydatidum) tuberculorumque in animalibus commotum fuisse, verisimillimum est. Qui concursus auctore Andral in equo, ubi caeterum tubercula frequenter observantur, rarius, in homine vero rarissime obvius, saepius in aliis animalibus adest: in sue e. g. haec

dno producta fero semper simul conspicitur (12).

Schönlein celeberrimus non quidem Baronii tubercula pro hydatibus habenti adstipulatur, sed tamen statuit, tuberculum ab origine sua vesicam liquore seroso impletam esse atque primam tuberculorum formationem eodem fere modo explicat, ac Baron. Distinguit in universum in quovis tuberculo, quod revera tanquam pseudo-organisationem (Asterorganisation) considerat, putamen et nucleum (13). Putamen vel formatum esse ex tela cellulosa compressa organi, in quo tuberculum sedem suum habet, vel novam membranam esse a tela cellulosa circumjecta accurate distinctam. Interdum folliculum ex pluribus adeo membranis constare, nempe ex membrana vasculosa et ex membrana interna serosa — structuram, quae Chorion et Amnion ovi in memoriam nobis revocet. Nucleus duce Schönlein cyclum certum mutationum percurrit, quem tuberculorum metamorphosin appellat; ab initio nempe nucleus est clarus, semipellucidus vel perspicuus, et magis ex massa gelatinosa compositus; serius vero in centro suo turbidus fit et haec materia turbida species formationis vitelli esse videtur, quemadmodum in ovo animalium inferiorum reperiatur. Paulatim haec faeculentia in centro exoriens erga peripheriam extenditur, ita ut denique totum tuberculum lucem transmittere desinat in que massam solidam commutetur, quae ex tela cellulosa fibras breves habente consistat, in qua productum morbi peculiare structuram definitam ostendens, sedem suam fixerit. Tuberculum,

dicit Schönlein, per certum tempus, quod a momentis externis hand pendeat valdeque diversum sit, crescere, usque dum emoriatur; qui obitus duplice modo accidere possit: nempe vel, a) ita, ut tuberculum corrugetur et consumatur i. e. indurescat ossis instar, uti omnes pseudo-formationes superiores in organismo emorientes; vel b) ita, ut tuberculum hucusque durum et compactum mollescat et diffundat, qui causus frequentissimus si phthisique causam praebeat. Cum tubercula saepe prope se invicem sita sint, permit Schönlein, fit, ut, si incrementum ceperint, denique plura eorum confluant; unde formae tuberculorum tuberosae, dentatae, racemosae, interdum adeo ramosae gignuntur; hasce vero nunquam primarias, immo tantum secundarias esse contendit. Uti forma tuberculorum diversa sit, ita etiam compositiones eorum chemicas nec non qualitates physicas exinde pendentes diversas esse. Proh dolor! ait Schönlein, hoc loco lacuna quaedam in historia naturae tuberculorum conspicua est, quod eo magis dolendum est, quoniam nemo vim magnam, quam momenta aetiologica in compositionem haucce chemiam exserunt, in dubium vocare potest. Plerumque auctore Schönlein, tuberculum ex albumine constat, in tuberculis menstrualibus copia salis magna cruximine continetur, in tuberculis arthriticis porro iidem sales obveniunt, qui in articulis sedem quaerunt, nempe natron uricum, calcaria phosphorica et s. p. In tuberculo cerebrali cholesterolina adest; in nonnullis tandem tuberculis (haecque ea esse videntur, quae summum formationis gradum attigerunt) peculiare

vasorum systema animadvertisit ita e. g. in tuberculis cerebralibus et hepatis forma vasorum similitudinem habet cum ea animalium infirmorum (14).

Licet Schönlein in universum doctrinam tuberculorum acutissime explanaverit, tamen veritas sententiarum ejus forsitan non extra omnis dubitationis aleam posita est; quod enim ad ipsius expositionem characteris tuberculorum anatomci attinet, eadem observationibus virorum plurimorum, quorum nomina in arte anatomica celebrantur, parum confirmatur. Videtur vero etiam Schönlein tubercula alio vel saltem multo latiori sensu accepisse, quam alii scriptores, nam tubercula ejus arthritica, quae exinde oriuntur, quod sales alcalini et terrei in pulmonibus desederunt, a plerisque scriptoribus pro veris tuberculis neutiquam habentur et quod ad ejusdem tubercula menstrualia, puerperalia et ad tubercula denique ex potu frigido originem ducentia spectat, eadem plurimis in casibus nihil aliud esse, quam granulationes inflammatorias pulmonum, verisimilimum est. Schönlein aliam quam caeteros scriptores, notionem cum tuberculis conjunxiisse, exinde etiam fortasse probari potest, quod multum de tuberculis hepatis et stomachi loquatur, quorum tamen caeteri scriptores raro mentionem injiciunt.

Gendrin simili fere modo, ac Laennec, tubercula describens eadem pro corporibus plane inorganicis habet (15) et in primis discrimin inter tubercula et granulationes inflammatorias illustrare studet. Si vero non sine jure affirms, nonnullos scriptores interque eos praesertim

Breves aie granulationes inflammatorias vesicularum pulmonum a tuberculis non distinguere, ipse tamen etiam nonnunquam in notione tuberculorum statuenda errasse videtur, dum id, quod alii viri anatomiae periti pro tuberculis habituri essent, nihil aliud, quam producta inflammationis esse putaret; quia adeo iis in casibus, ubi Laennec ipse tubercula vidit, nonnisi producta inflammationis animadvertisit (16).

Auctore Louis, qui tam Baylili quam Laennecii observations emendare conatus est, tubercula, sub quibus hoc loco tubercula pulmonum intelligit, sunt tumores ex albo flavescentes, haud pellucidi, variae duritiei, qui in Bronchia se exonerant hacque ratione cavaeates modo majores modo minores efficiunt (17). Concurrunt, ait, plerumque cum granis parvis, nunc magis, nunc minus rotundis, pellucidis, admodum duris, quae a magnitudine pisii usque ad eam grani milii descendunt quaeque granulations grises demi-transparentes vocantur. Observavit quoque pariter, ac Laennec interdum punctum flavum, haud pellucidum in centro horum granorum, quod punctum flavum eo maius erat, quo propius granulations ad apicem pulmonum accederent. Licet itaque nullo modo dubitet, fieri posse, ut granulations flavae, semipellucidae in materiam tuberculosam transformentur, tamen Laennecii sententiae, granulationes hasce semper primum gradum formationis tuberculorum repraesentare, calculum adjicere haud videtur et adeo evincere sibi propositum habet, materiam tuberculosam, quae ex

ipsius auctoritate subflaya, haud pellucida nec non variae consistentiae est quaeque tanquam talis in caeteris organis plerumque formatur, in pulmonibus etiam non semper ex transformatione materiae canae, semipellucidae oriri, uia Laennec statuit, sed nonnunquam primitive gigui posse (18). Louis in phthisicis etiam materiam mixtus duram, fere pellucidam, quae mox rubicunda, mox pallens et modo magis modo minus gelatinæ similis est, observavit. „Cette matière, dit, que M. Laennec a décrite, ne nous a jamais offert de grains tuberculeux. Est-elle de même nature que la matière grise demi-transparente (19)?“ Quibus verbis Louis, qui pluribus in locis librorum suorum magna cum observantia de Laennecio loquitur, modestè in dubium vocare videtur sententiam viri modo laudati, qui, licet afferat, substantiam tubercularem, sub quacumque forma in lucem prodeat, primitus speciem materiae canae et semipellucidae, quae paulatim flava, haud pellucida et densissima fiat, prae se ferre, tamen etiam illam materiam gelatinotam pro gradu primo formationis tuberculorum habet.

Andral, qui tam Laennecii opiniones de tuberculis corrigerere studuit, quam etiam Louisii observationibus usus est, et cui Laennecius ipse locum inter spes splendidissimas disciplinae medicae adsignavit, de tuberculis haec fere scribit: tuberculum est productum morbosum coloris ex flavo albescens, formæ plerumque rotundæ, magnitudinis valde mutabilis, ab initio durum est, sed friabile, serius molle fit tuncque non amplius formam homogeneam repreäsentat,

sed ex frustulis albidis et friabilibus constat, quae quasi in materia serosa et purulenta mutant. Quando tubercula in formam ejusmodi frustularum dissoluta fuerunt, jam locum originis suae relinquere tendant ibique cavitatem ulcerosam relinquunt, quae vel magis magisque augescit vel in eodem statu perseverat vel denique cicatrice obducitur (20).

Andral opinionem eorum, qui tubercula in primitiva formatione tanquam corpora vesicæ similia contemplantur, observationibus suis tam in homine quam in animalibus diversis ad rectius reducere studuit haecque nobiscum communicat: nonnullis in casibus, licet rarioribus, juxta tubercula re vera vesicæ parvae, rotundæ pellucidaeque reperiuntur liquore seroso impletæ. Ita e. g. pluries jam ejusmodi cystas in pulmonibus equorum phthisicorum observavit, semel vero tanum in homine idque in tali, cuius pulmones jam tuberculis numerosis, quæ partim dura, partim mollia, partim in cavitatis formam abierant, impleti erant. In equo interdum etiam turbidum liquoris illis vesicis contenti animadverit et ita quidem, ut extinde tota vesica habitum tuberculorum ex albo flavescencium assumeret. Id vero unicum erat, quod intuitu tuberculorum, quae vesicæ similia esse dicuntur, observavit et unde haec pro veris habenda esse affirmavit:

a) vesicæ pellucidae, quas nonnunquam juxta tubercula invenimus, sunt productum fortuitum, sunt complicatio quaedam;

b) non possunt tanquam formatio prima vel tanquam species prima tuberculorum considerari; quod si enim ita esset, multo saepius observari possent, praesertim in homine, ubi tuberculum quoad omnes formas suas et omnes originis suas gradus in contemplationem vocari potest;

c) accidere sane potest, ut vesicae illae loco liquoris serosi, quem plerumque in se continent, materiam accernant, cuius inde physica plus minusve naturae tuberculorum similis est, unde tamen nondum jure meritoque concludi potest, quod formationem tuberculorum semper praesentia vesicae serosae praecedat (21).

Andral sententiam quoque Laennecii, tubercula ab initio tanquam granulationes canas semipellucidasque comparere, refutat, his quidem usus argumentis: si necessarium esset, ut tubercula cum granulationibus canis semipellucidis que existere inciperent, ubicumque locorum, in quibus tubercula invenimus, in easdem incidremus. Jam vero ejuscemodi granulationes in glandulis lymphaticis, ubi tuberculorum in omnibus formationis suas periodis observandorum occasio praebetur, nunquam nobis obvenerunt; non magis in cerebro, hepate, splene, porro in tela cellulosa sub tunica mucosa atque membrana serosa etc. reperiuntur. Corpuscula parva, cana, abnormiter rotunda, quae nonnunquam in superficie aperta membranae serosae observantur, cum granulationibus canis semipellucidisque pulmonis parum similitudinis habent et non nisi rudimenta pseudo-membranarum esse videntur. Quod vero ad corpuscula cana rotundaque attinet, quae interdum in superficie membranae

mucosae conspicuntur, valde quoque differunt ab illis granulationibus pulmonum et nihil aliud sunt, quam folliculi hypertrophati. „Voidé, ait Andral, plusieurs altérations, qui ne se ressemblent que par la forme et dont l'origine, ainsi que la nature sont entièrement différentes.“ Nullo quidem modo dubitat, in omnibus hisce corpusculis materiam tuberculosam nonnunquam existere posse; hanc vero nondum esse causam idoneam, cur statuamus, in iis semper primam originem tuberculorum plerumque rotundorum querendam esse (22).

Andral variis de prima tuberculorum formatione sententias refutatis jam contendit, tuberculum, etiamsi minimum sit, semper tamen nonnisi sub forma corporis ex albo flavescentis, haud pellucidi, friabilis rotundique, quod nullum vestigium organisationis nullamque texturam secum ducat, apparere nobis incipere (23).

Potest itaque forsitan jam quaestio moveri, quid sint illae granulationes canae et semipellucidae pulmonis, quas Laennec multique alii scriptores ejus auctoritatem secuti pro prima tuberculorum formatione habuerunt quasque nunc dicunt nequaquam cum tuberculis commutandas esse? Bayle qui primus accuratiorem harum granulationum notitiam nobis exposuit, easdem etiam a tuberculis plane distinxit (24); naturam vero earum parum illustravit. Andral contra naturam granulationum pulmonis nobis ita fere describit. In nonnullis individuis, dicit, quae Bronchitide chronica plus minusve intensiva affecta fuerant, obvenerunt nobis dispersa per telam pulmonum corpuscula parva, rotundula

vel ovata coloris rubicundi vel subcana, quae mox molitudine sua insignia, mox contra eatis dura erant, et interdum adeo speciem duritiae cartilaginum p[re]se ferebant. Quae corpuscula in centro telae pulmonum tam sanae quam aegerae aequae adparent. Numerus eorum valde diversus est, modo quinque vel sex tantummodo per totum circuitum unius pulmonis dispersa reperiuntur, modo in multidudinem eorum immensam incidimus. Haec jam sunt illa corpuscula, quae, si subcana sunt et duritiem cartilaginum habent, eas pulmonum granulationes formant, quae quoad formam ipsarum externam a Baylio tam bene descriptae et recentioribus temporibus a Laennecio pro primo tuberculorum gradu habitae sunt. Per indagationem accuratam, pergit Andral, mox edocebimus, ea ex hisce corpusculis, quae alba vel subcana sint et duritiem cartilaginum habeant, ab initio rubicunda et mollia fuisse. In hoc vel illo statu pariter, licet non semper, puncta alba per intimas eorum partes dispersa videmus; saepe etiam passim nigro colore infecta sunt. Quod si haec corpuscula in diversis eorum conditionibus, quando a tela circumjecta sedulo sejuncta fuissent, cum organo quoquam in organismo comparare liceat, comparanda jam sunt cum glandulis lymphaticis vel sanis vel maxime etiam inflammati. Quae analogia in equo potissimum conspicua est, ubi magna objectorum diametru[m] perscrutacioni accuratori locum dat. Quando haec corpuscula rubra et mollia sunt, glandulis lymphaticis parvis inflammatione acuta correptis plane similia sunt; quando porro subcana et

duriora sunt. — quae sunt Baylii granulationes — cum iisdem glandulis, sed chronice inflammati, comparationem admittunt. In his saepe observari potest, quemadmodum materia tuberculosa sedem sibi figat sub forma punctorum parvorum sejunctorum, quae paulatim augmentur seque in unum conjungere cupiunt, ita ut sane temporis momentum existat, ubi glandula lymphatica revera unum idque magnum tuberculum efficit. Eodem plane modo puncta alba in granulationibus pulmonum in lucem prodeunt et formantur. Procul dubio harum granulationum specie externa et insuper analogia glandularum mesentericarum, quae ex Enteritiide chronica tumescunt posteaque tuberculose sunt, Broussais multique alii scriptores, qui granulationes pulmonum et tubercula a se invicem non secernunt, sese commoveri passi sunt, ut statuerent, tuberculorum seu, quod idem est, granulationum pulmonis causam ex intumescientia glandularum pulmonis repetendam esse. Andral, ut proprius ad vestigia naturae granulationum pulmonis accederet, in eo elaboravit, ut certum numerum lobulorum pulmonis a se invicem segregarer, non tamen dissecaret neque telam eorum ulla modo laederet, nosque de eventu observationum suarum, quas in individuis, quae Bronchitiide chronica correpta erant quorunque pulmones parim tubercula, parim granulationes in se continebant, et quidem in diversis gradibus inde ab eo gradu, ubi adhuc rubicunda et mollia, usque ad eum gradum, ubi subcana duraque cartilaginum instar sunt, instituit; certiores reddit.

Plures pulmonum lobuli exceptis nonnullis locis circuitus sui, nullum vestigium amplius vesicularum, ex quibus consistunt, ostendebant et eorum loco unus alterve ex statibus jam describendis observabatur: 1) color rubicundus aequalis, sine augmentatione consistentiae; 2) color subviridis vel subcanus, consistentia pariter haud aucta. In aprico est, hisce duobus casibus in locum aeris quo vesiculae in statu incolumi extenduntur, liquorem successisse, sive vesiculas ipsas expleverit, sive in tela cellulosa interjecta adfuerit et vesiculae non extensae, sed compressae fuerint. Qui liquor priori casu sanguis, posteriori casu autem serum plus minusve purum esse videtur; 3) aliis in locis eadem vesicularum dispositio, eadem opacitas, iudicem colores et praeterea incrementum varium consistentiae gradatim ad duritatem cartilaginibus similem ascendentes, quacum color albidus subcanusve, saepe in nigritiem transiens; observabantur. Qui status diversi, referente Andral, manifesto nihil aliud sunt, quam inflammations numeri certi vesicularum, quae ad millia usque ad simplicem pulmonis lobulum formandum sese quasi copulant. Quamdiu ille lobulus nondum incisus fuerit, nihil praeter superficiem formae aequalis nihilque, quod granulationibus simile sit, animadvertisit. Quod si vero puncta inter partes inflammatas sita inciderimus idque potissimum in vicinia eorum fecerimus; novus plane nobis praebetur aspectus. Vesiculis, quae incolumes manserunt, vix incisis aer, quo extendebantur, statim expellitur et propter vim contractivam telae necessario collabuntur. Quo

facto locus inflammatus a reliquo loco sejunctus manet et, quae sane res est notatu digna, licet caeteroquin naturae ordini consentanea, speciem corpusculorum rotundulorum vel oblongorum, quae pro gradu inflammationis varii coloris variaeque consistentiae sunt, prae se fert. Quae corpuscula si subcana duraque reperiuntur, manifeste nihil aliud sunt ac granulationes pulmonum Baylii. Semper, quod pro certo nobis evincitur, monet Andral, quando pulmonem inflammatione partiali eaque quodammodo vesiculari affectum inciderimus, hoc modo granulationibus conspiciendis pariter occasionem dabitur, ac si lobulus antea sejunctus incisus fuerit.

Andral itaque phthisin granulosam Baylii tanquam affectum solum praesentiae multarum inflammationum partialium vesicularium in medio telae pulmonum contemplatur. Quae inflammations tam crebrae esse possunt, ut granulationes iisdem adductae, si pulmo incidatur, inter se collidant commisceanturque. Quo casu, dicit Andral, tela pulmonum aequali modo obduruisse videtur, sed videtur solummodo, nam si rem sedulo investigaverimus, facile nobis persuaderimus, telam pulmonum inter granulationes statum suum integrum, qui saltem non status obdurationis est, servasse. Mirum est, ait porro, quod viri docti granulationes tanti ponderis habuerint, quando canae duraeque sunt, contra vero nullus, quantum scimus, scriptor de iis verba fecerit, quamdiu rubrae mollesque sunt. Tamen vero studium primi hujus gradus viam nobis aperiuisset, quam ingressi notitias accuratiores de vera granulationum pulmonis

natura nobis comparare potuissemus; func scilicet pro variatione tantum aspectus granosi hepatisationis pulmonum habitus fuissent (25).

Quod jam ad tubercula Schröderi van der Kolk attinet, etiam, ut videtur, in classem granulationum pulmonis referenda sunt. Scriptor hic, ut naturam tuberculorum a se statutorum proprius iudagaret, experimenta sua in pulmonibus minime tabe confectis et in quibus pauca tubercula conspiciebantur, instituit. „Talia, inquit, tubercula si dissecentur et microscopii adjumento conspiciantur, apparebunt, cellulas pulmonum materiā quadam refertas esse, eoque minus pellucidas, quo propius ad tuberculorum focum dirigatur oculorum acies; cellulae lymphae coagulabili pellucida impletæ, duriores sunt sanis circumdati neque aërem ferunt, quod levi earum pressione in aqua facile patet; est illa lympha cellularum aliquando tam limpida, ut vix oculo tuberculum a sana structura pulmonis distinguiri possit, et tactus tantum auxilio (19).“ Videmus, pergit, recto concludi posse, in quibusdam cellulis aut in lobulo pulmonis inflammationem localem oriri, qua lympha coagulabilis exsudet, quae cellulas obscurit (27).

Redimus jam ad tubercula eo sensu, quo nunc plerumque accipiuntur et entūtiamus, inter scriptores recentiores Lobsteinius potissimum illa optime descripsisse; quare jam, ut naturam tuberculorum penitus perspiciamus, eum in primis secuturi sumus.

Tuberculum duce Lobsteinio corpus est ex albo flavescens, rotundum, haud pellucidum, quod in diversis organis ex desidente substan-

tia peculiariter gignitur, cujus analogon nullibi in oeconomia animali sana existat quaque per totum existentiae suae tempus nullum plane organisationis vestigium ostendit. Reperiuntur tubercula sub forma granorum vel tuberum parvorum magis minusve numerosa in parenchymate organorum. Circuitus tuberculi variat inde a magnitudine grani milii usque ad eam ovi gallinacei. Quamdiu magnitudinem ossis cerasi nondum excedit, forma ejusdem regularis rotundaque est; quo magis vero augescit, eo magis gibbosum et tuberosum fit. Interdum tubercula plura agglomerata massas modo majores modo minores efficiunt; nonnunquam etiam materia tuberculosa in telam infusa est (28).

Quod ad sedem tuberculorum spectat, multi scriptores eam plerumque in tela cellulosa quarendam esse statuunt. In multis tuberculis hoc etiam facile probari potest et quoad alia tubercula ex analogia idem demonstrare student. „Le tissu cellulaire, ait Andral, me paraît être toutefois l'élément anatomique où le tubercule est le plus ordinairement sécrété, soit le tissu cellulaire libre, soit celui qui est combiné dans les divers organes avec les divers éléments anatomiques qui les constituent (29).“ Est autem, uti Andral quoque notat, non absimile vero, materiam tuberculosam, quae nonnunquam in interiori cavitatum membrana mucosa circumdaturum, quin adeo in vasis lymphaticis inventa est, nonnullis in casibus alibi etiam, quam in sola tela cellulosa sedem sibi figere posse (30). Duce Lobsteinio tubercula in tela cellulosa et in parenchymate omnium fere organorum

formantur. Obveniunt nempe nobis in tela celulosa sub cute externa, sub membranis mucosae et serosis, in tela interstitiali muscularum et tunicarum arterialium, etiam in tela cellulosa recens formata (31). Quod ad praesentiam tuberculorum frequentem in organis diversis attinet, quorum in parenchymate oriuntur, hac de re in capite tertio seorsim disseremus.

Plerisque in casibus teste Lobstein substantia tuberculosa arcte cum tela organorum diversorum conjuncta est; aliis in casibus contra in folliculis, qui licet cum partibus vicinis concreti, tamen ab iisdem diversi sunt, inclusa est. Qua observatione divisio tuberculorum in capsulata (tubercules enkystés) et non capsulata nititur (32). Priora caeterum rarissime in pulmonibus, ubi tubercula frequentissime adsunt et ubi Meckel multis accuratisque experimentis institutis folliculos raro tantum animadvertere valuit (33), quod reliqui etiam viri anatomiae periti de suis observationibus contendunt; repriuntur. Saepius tubercula capsulatae aliis in organis occurunt, sed in universum raro in homine, in bestiis diversis contra multo frequentiora sunt.

Omnia tubercula, auctore Lobstein, incipiunt a formatione granorum parvorum, quae crescent et augescunt idque pro specie saltem fit per juxta-positionem, non vero per intusceptionem. Formantur vero ex materia peculiari, quae nentiquam effectus degenerationis telae prius existentis est. Neque nova tela dici potest, quoniam nihil structuræ regularis, nihil qualitatæ vitalis in eadem deprehenditur, sed

materia plane nova, quam exhalatione secerni et in telis organicis desidere hacque ratione massam plane inorganicam efficere, verisimum est (34). — Talis est Lobsteinii sententia de prima tuberculorum formatione et natura, quocum Andral hoc intuitu plane consentit. Quod nempe ad massam inorganicam tuberculorum spectat, haec effatur: „On trouve dans les tubercles ni vaisseaux, ni canaux, ni aréoles, ni fibres, ni lames, rien en un mot, qui rappelle l'idée de l'organisation; il nous semble en conséquence, que c'est donner une idée inexacte du mode de formation du tubercule et de sa nature, que de le désigner sous le nom de tissu accidentel (35). Contentit etiam incrementum tuberculorum non intusceptione; uti in corporibus organicis et animatis, sed juxta-positione, quemadmodum in omnibus corporibus inorganicis fieri.

Raro tubercula a se invicem segregata vel singulatim dispersa in diversis organismi regionibus reperiuntur; plerumque valde numerosa obveniunt, non solum in uno eodemque organo, sed etiam in pluribus simul; quod potissimum in infantibus locum habet. Si tubercula singula parva haud multum a se distant, confluent, dum augescunt, et maiores tuberculorum massas efficiunt; tela organica, qua prius singula tubercula separabantur, tunc quasi includitur et tantopere comprimitur, ut saepe nullum ejus supersit vestigium; interdum vero in medio massæ tuberculose vestigia telæ inclusæ inveniuntur, quam adeo vasa permeant, unde fa-

etum esse videtur, ut nonnulli scriptores tuberculis vasa adsignayerint.

Substantia tuberculosa auctore Lobsteinio sub triplici forma, quae ad totidem periodos morbi referenda est, appetet: 1) in statu duriori vel cruditatis (crudité); 2) in statu mollietatis; 3) in statu liquiditatis et exulcerationis. In primo gradu substantia tuberculosa densitatem habet similem densitati glandularum lymphaticarum, minus tamen humore penetrata est, quam glandulae modo dictae. Nonnunquam durior adeo et densitate glandulam prostataam fere exaequans observatur. In statu secundo substantia haec in materiam, quae speciem vel casei, vel cerae, vel sebi prae se fert, conversa est. In tertio denique gradu eadem materia liquida sit tremoris lactis instar paulatim evanescit. Tunc tuberculum in cavitatem ulcerosam, quae denique membrana fungosa, tenera rubrique coloris turgitur, transformatum conspicitur (36).

Quoad ad analysin materiae tuberculosae chemicam in statu cruditatis parum certi constat: comprobatur tamen, testante Lobsteinio, nonnullis experimentis, eandem ex albumine, gelatina, fibrina et aqua consistere. Sex grammata materiae tuberculosae nempe in se continent:

albuminis 1 Gramma	4 decigrammata,
gelatinæ 1	— 2 —
fibrinæ 1	— 8 —
aquaæ 1	— 6 —

Teste Andral (37) vero materia tuberculosa albumine abundat, quare tubercula ei productorum fortitorum classi, quae in primis ex albumine constant, adnumerat. Monente eodem

scriptore Thenard in centum particulis materiae tuberculosae deprehendebat:

materiarum animalium: partes	98,15
salis communis	
calcariae phosphoricae	1,85
calcariae carbonicae	
ferri oxydati: vestigia nonnulla.	

Quod jam ad processum, quo tubercula mollescent (qua in re, auctore Lobstein, nota characteristica periodi secundae morbi ponenda est), attinet, ita nobis a Laennecio in conspectum producitur: Actus mollescendi incipit in centro cuiusvis massæ tuberculorum, ubi materia tuberculosa in dies mollior, humidior, caseo similis fit, vel saltem, si tangitur, casei molles instar speciem unguenti praebet et deinde lentitiam et liquiditatem puris consequitur. Mollitudo a centro versus peripheriam extenditur tandemque perfecta fit, ubi jam materia tuberculosa sub duplice forma diversa sese nobis offerre potest: modo scilicet puti crasso, e quo tamen odor non efflatur quodque flavoris coloris est, quam tubercula cruda, similis est; modo autem in duas partes disjuncta reperitur, alteram valde liquidam, magis minusve pellucidam et colore carentem, alteram hanc pellucidam, quae consistentiam casei molles et friabilis habet. Quo in statu posteriori, qui possit in hominibus scrophulosis obvius est, similis saepe est sero, in quo frusta materiae caseatae natant. Cum Laennec proprie nonnisi de tuberculis pulmonum verba faciat, monet jam, materiam tuberculosam, si plene emollita fuerit, viam sibi aperire in ramum aliquem proxime

adjacentem arteriae asperae et evacuatione materiae emolliitae cavitatem effici, quae cavitas tuberculorum vel vomica dicatur. Prout vero cavitas tuberculorum evacuatur, ita latera ejusdem peculiari membrana, quam Laennec (38) accurate descripsit, quaeque ex ejusdem auctoritate in sanatione phthisis tuberculosae in nonnullis casibus beneficio naturae ipsius facta, maximam vim exserit, obducuntur.

Gendrin quoad actum emollescendi in tuberculis Laennecio non omnino adsentitur: affirmat nempe tubercula non solum in centro, sed in diversis etiam locis peripheriae ipsorum mollia fieri incipere posse causamque hujus rei neutiquam in mutatione tuberculorum spontanea, sed potius in statu inflammatorio telarum organicarum in quibus tubercula domicilium suum habent, sitam esse. Ut indicia inflammationis et infusionis tuberculosae mollescentis recte distinguere valeamus, praestat, teste Gendrin, eadem in tunicis villosis potius, quam in pulmonibus, quorum tela composita contemplationem difficiliorem reddit, observare. Animadvertisit in membranis villosis injectio inflammatoria diffusa super parvam duritatem membranae, sub qua parva massa tuberculosa, ad cuius superficiem illa adhaeret, continetur; in qua infusione minor jam densitas conspicua est atque massa tuberculosa coloris ex flavo leniter albescens emollitur. Aliis in locis tuberculosis membrana villosa ab inflatione plane libera est ibique nulla adhuc emolliitio exorta est. Similatque vero emolliitio jam locum sibi vindicavit, in membrana mucosa ulcera inveniuntur,

quorum margines durae, tumidae et pariter materia tuberculosa densa repletac sunt. Haec sanguine et adeo pure, quod per inflammationem subsequentem in intervallis desedit, commixta appetet. Fundamentum ipsum ulcerationis durum et materia tuberculosa in dimidiis partem emolliita repletum est. Iis in locis, ubi ulceratio nondum ad finem deducta est, videre licet, eam intrinsecus ortam extrinsecus vergeret. Idem, quod in membranis villosis, sub quibus tubercula adoleverunt, accidit, pariter etiam in pulmonibus evenit. — Materia tuberculosa emolliita ab initio est substantia lenta, pellucidaque, cui particulae caseo similes innatant; quando efficientiae aquae fervidae vel acidorum exposita fit, coagulatur; prodit neque fibrinam neque globulos puris et nihil aliud esse videtur, quam albumen coagulatum cum residuo salium alcalinorum. Si vero emolliitio ulterius progressa est ei signa inflammationis in tela circumjecta, cui etiam materia tuberculosa inest, dilucide in medium procedunt, tunc demum verum formatur pus, quod praecepitatur, quando liquor in cavitatibus extans vel ab aegrotis ejectus aqua frigida abluitur. Potest itaque tam ex natura liquorum, qui diversis temporibus emolitionis in cavitatibus tuberculosis nascuntur, quam ex signis anatomici telarum, in quibus cavitates illae originem suam nactae sunt, concludi, causam emolitionis tuberculorum quaerendam esse in inflatione partium, ubi reperiuntur. Evidenter, pergit Gendrin, ex omnibus observationibus nostris tuberculorum in telis variis li-

quet, etiamsi materia tuberculosa sine inflammatione secreta fuerit, semper tamen inflammationem in tela circumjecta conspicuam esse, quando emollitio tuberculorum, quae ab hac inflammatione pendere videtur, locum obtineat (39).

Quoad emollitionem tuberculorum cum Gen-drinio Andral sere consentit, si exceperis, quod causam ejusdem unice in puris secretione, quae in telis, ubi tuberculum sedem suam habet, fieri dicitur, positam esse judicet ideoque etiam processus emollitionis ab ipso transformatione purulenta tuberculi (*la transformatione purulente du tubercule*) nominetur. Quem processum nobis ita exponit: minima etiam pars tuberculi tanquam corpus alienum quovis in puncto telae circumstata secretionem puris, quae ratione mechanica tuberculum in frustula magis minusve numerosa diminuit, adducit. Talis puris secretio hic aequa ac in omnibus casibus, ubi corpus alienum per longius tempus in ulla parte organi commoratum est, gignitur. In loco, ubi corpus hoc versatur, status stimulationalis oritur, deinde secretio puris et denique dissolutione continuatis, unde via munitur, qua corpus alienum removeri possit; eodem plane modore sese habet in tuberculo. Ipsius emollitio itaque nonnisi productum est exinde ortum, quod partes ejus pure minutatim contritae fuerint, finisque hujus eventus cernitur, quemadmodum in quovis corpore alieno fieri videmus, in ejusdem remotione. Sed, etiamsi tuberculum removut fuerit, nihilominus processus emollitionis continuari et simul tuberculum eadem causa, qua primum in lucem proditi, regenerari potest.

Affirmatum est, narrat Andral, emollitionem tuberculi ab ejusdem centro proficiendi, atque vera saepissime hoc fieri constat; nihilominus vero tuberculorum emollitio ex aliis etiam punctis et potissimum quidem ex peripheria exire potest (40).

Lobstein, qui caeterum tubercula pro corporibus inorganicis et inanimatis habet, causam emollitionis mutationi spontaneae tuberculorum adscribit et in universum quoad emollitionem tuberculorum magis Laennecio adstipulatur. Contendit, se ante et per periodum emollitionis neque in tuberculis ipsis neque in partibus, quae ea circumdant, ullum vestigium inflammationis animadvertere potuisse. „Inde a quindecim annis, ait, in magno nosocomio infantes inde a nativitate sua usque ad aetatem duodecim annorum curare jussus, multiplicem nactus sum occasionem in tot infantibus scrophulosis tuberculorum morbum, dum vivent, observandi et post mortem eorum in mutationem organicam subsecutam inquirendi. Multa conspexi individua, in quibus totum glandulatum systema uno eodemque tempore morbo correspondit erat et in quibus nihilominus per totum morbi decursum nunquam symptoma inflammationis sese conspicendum praebebat. De industria in experimentis meis anatomicis glandulis lymphaticis dissecandis operam navavi, quoniam structurae simplicioris sunt ideoque materiam tuberculosam in statu puro, quam raro in pulmone et in reliquis visceribus reperimus, nobis offerunt. Saepius jam animadvertebam hisce

glanduli tuberculosis catenam quasi tuberum inde a mesenterio usque ad maxillam inferiorem effici, ita tamen, ut neque in earum vicinia, neque intus vel minimum inflammationis signum investigare valerem (41).“ Emollitionem in centro tuberculi incipere indeque versus peripheriam propagari, teste Lobstein facile etiam in glandula tumefacta demonstrari potest, quae plane in substantiam tuberculosa transversa, unicum quasi tuberculum crassum in conspectum producit. Tunc tota massa homogenea et ejusdem coloris, nempe ex albo flavescentis apparet, sed in centro puls cremoni lactis similis deprehenditur. Serius puls haec in detrimentum crustae, quae magis magisque tenuis fit et denique in massam lentam particulis caseo similibus commixtam degenerat, augescit (42). Nonnullae glandularum tuberculorum talis consistentiae, qualis in glandula prostata conspicitur, ex substantia homogenea et quasi sicca consistunt; aliae, dum in centro suo jam emolitiae sint, tamen in peripheria sua tactui adhuc satis durasse praebent. Quos gradus varios affectionis tuberculosa in glandulis, quibus arteria aspera et bronchia circumdantur, utr etiam in glandulis secundum venarum jugularium cursum extantibus saepenumero observare possumus (43).

Nonnulli scriptores porro iique tales, qui tubercula tanquam producta organica et animata consideraverunt, emollitionem tuberculorum pro obitu ipsorum habendam esse duxerunt. Ex opinione Lombardii a duplice causa pendet, nempe ab obitu in centro et ab efficacia peri-

pherica, quam processum secretionis appellat quaeque eum habet finem, ut substantiam tuberculorum expellat et organismum ab eadem liberet. Processus hic in efficacia morbosa telarum circa tubercula sitarum, consistit, efficacia, qua liquor secernit, aptus ad materiam adventitiam extenuandam eamque tali modo eliminandam. Obitus contra locum capessit, quoniam materia tuberculorum vasa nutritiva nervosque comprimit idque eo gradu, ut nutritio et vita in hisco partibus plane tollantur. Similem fore sententiam jam ante Lombardum Schröder van der Kolk in medium protulit.

In universum viri docti in emollitione tuberculorum indaganda ad recentissima usque tempora in diversissimas sententias discesserunt; possunt tamen, ut ex praecedentibus elucet, in magna hac dissensione duas potissimum sententiae discrepantes secerni, quarum altera causam emolitionis impulsui, qui extrinsecus vim suam exseruit, tribuit, altera vero in emollitione nihil nisi mutationem tuberculorum spontaneam videt. Postquam tubercula pro corporibus inorganicis et inanimatis declarata fuerunt, sententia eorum, qui causam emolitionis tuberculorum in impulsu extrinsecus vim suam exserente positam esse indicant, maxime probabilis esse videtur, et Andralii opinio, etiamsi quae Lobstein de tuberculorum emollitione dixit, in considerationem vocaverimus, tamen multa in se habet, quibus commendetur, si id tantum reputaverimus, auctore Andral quodcumque tuberculum quasi infiltratum in medio telae organicae obvenire, secretionem puris non semper cum signis infiltrationis

inflammatoriae vel in universum cum indicis inflammationis conjunctum esse, porro puri personarum scrophulosarum magnam similitudinem cum materia tuberculosa emollita intercedere et denique individua, in quibus magna propensio ad tubercula locum habet, defectu irritabilitatis nervorum insignia esse; unde fit, ut agitatio inflammatoria, nec non suppurationes et exulcerationes in organis interioribus raro dolore quamquam paucifiat. Lobstein, dum emolitionem tuberculorum in centro eorum incipere videret, agitationem inflammatoriam vero haud animadverteret, causam emolitionis mutationi tuberculorum spontaneae adsignat, licet haec opinio cum sententia ejus de natura tuberculorum, quae pro corporibus inorganicis et inanimatis habet, non plane congruere videtur, cum spontaneitas, monente Trevirano celeberrimo, nota characteristicæ vitae judicanda sit (44). Caeterum ut Lobsteinii judicium de natura tuberculorum in clariori luce ponamus, iam hoc loco sententiam ejus de formatione productorum heteroplastico-rum, quibus tubercula adnumerant, referemus. Teste ipso ad formationem horum productorum duo postulantur: 1) materia animalis et 2) vis organisationis. Eadem, inquit, quae ad formationem corporum novorum homoeoplasticorum requiruntur, manifesta etiam sunt in formatione substantiarum heteroplasticarum, hoc tantum discrimine intercedente, quod materia animalis pro eo, ut sub impulsu vis formativae in telam cellulosam, in membranas, in vasa et quae sunt ejuscemodi, sese mutet, potius discordiam cum telis normalibus concitat, sese hostis instar orga-

nismo animali opponit, in eodem impaginovega morbosam efficit eumque destruit. Praesentiam materiae talis esse notam characteristicam harum degenerationum; eandem omnibus contentionibus vis vitalis, ut eam organismo reliquo assimile, resistere. Eandem porro semel formatam gradus mutationis abnormis diversos eosque plane alienos a materia homoeoplastica (emplastica) percurrere ejusque indolem peculiarem hanc esse, ut semper emolitionem et dissolutionem appetat. Quod phænomenon posterius, in quo explicando viri docti studio laudabili elaborarunt, modo plane naturali, monente Lobstein, perspicuum fit, si illud tanquam proprietas materiae kakoplasticae consideratur; quod si secessimus, non amplius est, cur, ut rationem hujus phænomeni nobis reddere queamus, ad causas hypotheticas, ad inflammations vel subinflammationes; quas revera existere nullo hucusque argumento probatum est, vel adeo ad processus gangraenosos, quorum veritas non magis ad liquidum perduci potest, confugiamus (45).

Caeterum tubercula, ut plures scriptores affirmant, non solum transitus in statum emolitionis capacia sunt, sed interdum etiam mutationem plane contrariam perpetuantur, i. e. in massam calci similem commutantur. Haec comutatio, quam Schönlein nominibus: Zusammenschrumpfung; Verkümmernung; Verknöcherung des Tuberkels; insignit et inde explicat, quod massae terreae desiderant (46); ab Audralio transformatione cretacea tuberculi (la transformation cretacée du tubercule) appellatur (47). Ex amborum scriptorum auctoritate cum transi-

morbi tuberculosi ad recuperationem sanitatis conjuncta est.

Ex omnibus quae de natura tuberculorum hucusque commemoravimus, patet jam, viros doctos nunc quidem in eo, quaenam phaenomena pro tuberculis habenda sint, fere consentire, sed in sententia de natura eorum, praesertim quod ad explicationem emollitionis tuberculorum attinet, nondum plane ad liquidum pervenisse. Num itaque in eo jam adquiescamus, ut verba Baglivii magni haec: „Natura sui juris est ac longius, latius patet, quam ut certos ei fines angustosque humani ingenii terminos constitutamus, extra quos egredi non possit;“ in memoriam nobis revocentur, an potius spem maiorem in tempore, cum, eodem scriptore monente: „Medicina non ingenii humani partus sit, sed temporis filia;“ ponamus?

Caput II.

De origine et causis tuberculorum.

Varia de origine et causis tuberculorum judicia in universum cum varietate sententiarum de eorum natura conjuncta fuerunt. Reputemus tamen oportet, plerasque theorias, quae, antiquioribus praesertim temporibus, de tuberculorum formatione propositae sunt, nonnisi tubercula pulmonum respexisse. Ita e. g. Rush originem tuberculorum a pituita derivabat, quae abnormi copia per vasa ramorum arteriae asperae tanquam effectus debilitatis generalis seernatur. Quae pituita ex

eiusdem opinione sese aliquando in arteriam asperam effundit, ex qua et maxime quidem matutino tempore, ejicitur, saepius tamen in cellulas pulmonum sese effundit ibique tuberculis originem dat. Hanc opinionem vero, caeterum jam diu ante Rushum cognitam, recentioribus temporibus viri docti plane refutarunt, cum paucis tantum argumentis nitatur; caeteroquin eatenus saltem veritatem habet, quatenus originem tuberculorum a dispositione generali repetit (49).

Sententia porro, quae prius inter omnes obtinebat quamque nostro aeo haud pauci amplexi sunt, haec est, quodcunque tuberculum esse glandulam lymphaticam morbose immutatam huncque statum morbosum tanquam effectum morbi scrophulosis oriri. Morton primus fuisse videtur, qui hauc sententiam in medium protulit, quam postea Portal adoptavit quamque recentioribus temporibus praeter multos alias Duncan (49) etiam et J. Frank defendendam suscepserunt. In hac etiam uti in reliquis theoriis de tuberculorum formatione quam maxime tuberculorum pulmonum ratio habita est et argumenta, ad quae provocatum est, eo dirigebantur, ut probaretur, tubercula pulmonum statui morboso glandularum lymphaticarum originem suam debere. Notatum nempe est, phthisi pulmonum tuberculosa potissimum individua scrophulosa, apud quos glandulae lymphaticae in aliis etiam corporis regionibus aperte eodem modo degenerata sunt, corripi. „Adhaerens“, profitetur J. Frank, huic opinioni (sc. quae tubercula pulmonum pro glandulis lymphaticis morbo affectis habet), nam in tuberculis pulmo-

num eadem prorsus phaenomena contingere videmus, quae in glandulis lymphaticis mesenterium et externam corporis superficiem occupantibus, dum a vito scrophuloso contaminantur, locum obtinent“ (50). Hanc opinionem, secundum quam origo tuberculorum pulmonum ex statu morboso glandularum lymphaticarum descendit, primum Baillie impugnavit; statuit nimis, tubercula in tela cellulosa, quae vesiculas pulmonum conjungit, nasci et nequaquam statim morbosum glandularum esse (51). Meckel sententiae ejus accedens dicit, comparationem etiam glandularum lymphaticarum tuberculosarum cum tuberculis pulmonum contra Portalii opinionem pugnare, cum in illis massa tuberculosa semper in substantiam glandularum normalem inspersa appareat, haec e contrario per totum ambitum suum homogenea sint (52). Recentissimis temporibus observationibus etiam microscopicis demonstratum est, sedem tuberculorum pulmonum in tela cellulosa vesiculos pulmonum conjungente positam esse. Caeterum improbatum non est, interdum etiam tubercula iude, quod materia tuberculosa in glandulis lymphaticis pulmonum desidat, formari. Quodsi, ait Andral, viri docti commoti analogia proceasus illius, qui apud homines scrophulosos in glandulis mesenterii locum sibi vindicat, adquievissent in defensione sententiae, glandulas lymphaticas pulmonum interdum etiam tuberculosas fieri, postquam per inflammationem intumuerint et in conspectum prodierint: jam sententiam verisimilimam enuntiassent. Cum vero hauc affirmationem ad dignitatem legis generalis eyhi stu-

duerint ponentes, tubercula pulmonum semper sedem suam in systemate lymphatico apparatus respirationis habere: affirmatum est aliquid, quod observationi de modo, quo tubercula vel in pulmone vel, et praecipue quidem, in aliis organis oriuntur, institutae repugnat (53).

Alia sententia, quae nostro aeo non parum admirationis movit, haec est, tubercula esse producta inflammationis. Quae sententia prioribus jam temporibus proposita fuit primamque originem forsitan debet opinioni praejudicatae, formationem omnium productorum fortitorum ab inflammatione pendere; potissimum vero invaluit haec opinio, quoniam adseclae ejusdem eam exinde probari posse putarent, quod phthisis pulmonum tuberculosa saepissime pectoris inflammatione antecedat illamve saltem comitetur. Huic autem argumento Bayle jam opposuit, tubercula magis causam, quam producta inflammationis esse (54). Nihilominus recentiori aetate Broutais studiosissimus propugnator illius opinionis in arenam descendit. Contendit, se nunquam pulmonum tubercula vidisse, quibus inflammatione non praecesserit, quin adeo tubercula, quae cum infantibus nascuntur, ab inflammatione praegressa pendere credit (55). Tubercula ex ipsius auctoritate in omnibus oriuntur constitutionibus inflammatione chronica pulmonum vel intestinorum correptis, frequentiora vero et majora sunt in individuis ad irritationem systematici lymphatici praedispositis (56). Broutais valde propensus est ad tubercula pro intumescencia glandularum lymphaticarum habenda ideoque etiam defensor opinionis prius jam com-

memoratae statui potest. „Les imméfactions, inquit, d'apparence analogue à celle des ganglions subinflammés, mais qui surviennent dans les tissus où l'on n'aperçoit pas dans l'état sain de glandes lymphatiques, doivent être jugées de même nature que les ganglions lymphatiques développés par l'irritation. Tout cela porte le nom de tubercles“ (57). — Praeter Broussais ejusque scholam magnam in Francogallia etiam Schröderus van der Kolk opinioni de ortu tuberculorum inflammatorio, saltem tuberculorum pulmonum, adstipulatur, eo tantum discrimine, quod hujus rei neutiquam vasa lymphatica et glandulas lymphaticas incuset, quemadmodum Broussais fecit, sed ortum tuberculorum pulmonum ex lymphae coagulabilis exsudatione per inflammationem vesicularum pulmonum adducta explicit sententiamque suam argumentis anatomicis et therapeutici probare conetur (58).

Si vero alios scriptores fide dignos, qui de tuberculis scripserunt, consulimus, videmus jam, eos contrarium adeo ejus, quod Broussais cum adseclis suis nec non Schröderus van der Kolk ad veritatem sententiae suae evincendam allegant, affirmare; sunt autem tanquam adversarii sententiae, quam Broussais proposuit, nominandi: Laennec, Gendrin, Louis, Lobstein multique alii. Ex iis jam, quae viri modo laudati observarunt et affirmarunt, hanc confidere possumus summam:

1) Inflammatio non tanquam causa proxima tuberculorum considerari potest, alias enim in nexu causali cum tuberculis, multo, saepius

animadverti deberet; plurimi tamen naturae scrutatores narrant (quo id, quod Broussais contendit, refellitur), se plerumque nec in prima formatione tuberculorum, nec in concursu eorum, si in statu crudo adhuc sunt, agitationem aliquam phlogisticam observare.

2) Inflammatio itaque, si nonnullis in casibus simul cum tuberculis adest, pro complicatione vel,

3) si aliis in casibus ad formationem tuberculorum conferre videtur, ad summum pro causa occasionali tuberculorum haberi debet.

4) Multis in casibus contra tubacula ipsa tanquam corpus alienum ideoque tanquam stimulus organismi causam inflammationis praebere possunt.

5) Contra sententiam, tubacula pulmonum ab inflammatione derivanda esse, haec etiam res loquitur, quod in sexu feminino multo major propensio ad phthisiu pulmonum tuberculam conspicua est, quam in sexu masculino, qui e contrario ad inflammationes organorum pectoris magis proclivis est, quam sexus femininus.

6) Tuberculorum originem non ad malum locale, cuius generis inflammatio est, referendam esse, denique formatio simultanea tuberculorum in permagna organorum multitudine testificatur.

Potest nunc fortasse quaestio moveri, unde fiat, ut Broussais ejusque sectatores iis, quae a multis auctoribus contra originem tuberculorum inflammatoriam scripta sunt, susque deque habitie opiniones suas tam confidenter tueantur. Ad quam quaestionem ut recte respondere valeamus, in considerationem imprimis vocanda est

notio inflammationis et tuberculorum. Quod primum ad inflammationem attinet, difficillimum est hanc notionem certis finibus includere, quare accidit, ut saepissime inflammatio sensu diversissimo vel saltem latissimo accepta fuerit. Broussais ejusque adseclae, qui voce irritationis eodem sensu, quo inflammatio observavit, utuntur simulque subdivisiones statuunt, in notione inflammationis praesertim irritationem, quae ex dicto: „ubi irritatio, ibi adfluxus;“ phaenomenis inflammationis explicandis inservire debet, ante oculos habere videntur. Schröderus van der Kolk contra notione inflammationis ad vim plasticam potissimum porrexit, ut ex hisce ipsius verbis patet: „Desunt, de inflammatione chronica disserens inquit, saepe symptomata doloris, caloris quin et aliquando ruboris, neque melius describi posse mihi videatur, quam nutritio localis nimia et morbosa; ubique ubi novi quid proferatur et formationes lentae in corpore generentur, chronica haec inflammatio adest (59). — Defensores originis inflammatoriae tuberculorum aliam itaque notione inflammationis sequuntur, ac illi, qui tali tuberculorum origini contradicunt. Quodsi igitur in diversa eaque arbitraria notione inflammationis prima causa repugnantiae sententiarum de tuberculorum origine ponenda sit, jam tuberculorum notio nondum satis determinata secundam causam dissensionis praebuit. Gendrin atque Andral probatum iverunt, Broussais tubcula cum productis inflammationis confudisse, cum illas etiam granulationes, quae in vesiculis pulmonum tan-

quam effectus inflammationis oriuntur, pro tuberculis habuerit. Schröderum van der Kolk etiam discrimen inter granulationes pulmonum inflammatorias et inter tubercula ignorasse, verisimilium est; quemadmodum vero tubercula sua nobis describat, supra jam vidimus.

Si jam theoriae, quarum hucusque mentio facta est, imperfectae apparent, causa, uti videatur, inde repetenda est, quod scriptores modo memorati, quos propugnatores illarum theoriarum esse diximus, plerumque non nisi tubercula pulmonum idque in homine observaverant. Alia e contrario sententia, secundum quam tubercula ex hydatidibus prodeunt, inde forsitan manavit, quod adseclae ejusdem omnia fere phaenomena tantummodo ex observationibus institutis in bestiis explicare studuerant; cuius theoriae, quam Baron condidit, jam in describenda natura tuberculorum mentionem injecimus. Quod ad aetiologiam tuberculorum spectat, fugit nos ex illa theoria, quomodo hydatides fermentur, comperimus vero ex eadem, huic hydatidum formationi tubercula originem suam debere. Sub quibus conditionibus transformatio hydatidum in tubercula eveniat, occultum manet, et in universum, quoad aetiologiam tuberculorum, Baronis theoria parum commodi nobis adiuit.

Quod jam ad Schoenleinii sententiam de aetiologia tuberculorum attinet, ipso auctore ad tuberculorum formationem momenta duplicitis generis requiruntur: 1) momenta interna, ubi actas, dispositio hereditaria habitusque tuberculosus in contemplationem veniunt, et 2) momenta externa, quae in secretione organi

cujusquam suppressa et in actione antagonistica aliis organi secretorii consistunt (60). Quaeritur vero, omniumne omnino tuberculorum formatio suppressionem secretionis alicuius requirat an potius forsitan tubercula multis in casibus sine ejusmodi antagonismo secretionum oriri possint. Ad quam quaestionem serius eo loco, ubi aliorum scriptorum opiniones de causis tuberculorum commemorandae erunt, respondebimus; nunc vero hoc moneamus, Schoenleinii sententiam de causis tuberculorum bene accommodatam esse notioni suae tuberculorum, quam tamen, uti videtur, alio vel saltem multo latiori sensu, quam caeteri scriptores, contendit; tubercula enim arthritica ejus plerique scriptores a tuberculis plane distinguunt, ejusque tubercula menstrualia, puerperalia, tubercula ex potu frigido etc. probabiliter plerisque in casibus nihil aliud sunt, quam granulations pulmonum inflammatoriae. Quae producta omnia interdum, quoniam in pulmonibus orta phthisi pulmonum, quam dicunt tuberculosam, causam dare valent, pro tuberculis habita sunt; sed non perperam forsitan J. Frank phthisin pulmonum tuberculosam, vel, uti ipse appellat, scrophulosam ab aliis speciebus phthisis pulmonalis discrevit, quod caeterum a Baylio jam multisque aliis factum est.

Quod jam ad originem tuberculorum eo sensu, quo nunc plerumque intelliguntur, pertinet, nostris temporibus sententia, ex qua tubercula sunt producta secretionis morbosa, ubique fere auctoritatem obtinuisse videtur. Si vero perquirimus, sub quibusnam conditionibus secretionis tuberculosa perficiatur, plerosque scripto-

res in eo cōsentientes tēperimus, in praedispōsitione aliqua conditionem principalem posicā esse, sine qua tubercula oriri nequeant. Cardo rei itaque jam in eo vertitur, ut examinemus, in quo praedispositio haec consistat. — Constitutio scrophulosa, quam multi scriptores tam antiquioris quam recentioris temporis formatio- nis tuberculorum ream fecerunt, est causa prae- disponens, facto probata. Bayle, Meckel, Laennec, Gendrin, Broussais, J. Frank, Lobstein multique alii observationibus suis cōmōti naturam scrophulosam morbi tuberculorum agnoverunt multique eorum nullum discriminē inter scro- phulas et tubercula statuunt. Si vero Schoenlein materiam scrophulosam et tubercula quam maxime secernit, causa forsitan haec est, quod aliam notionem tuberculorum, quam plerique scriptores, habeat. Incidimus vero apud eum fortassis magis adhuc in comprobationem sententiae, magnam inter scrophulas et tubercula similitudinem conspici, si characteris anatomici materiae scrophulosae rationem habemus, quem ita depingit: „Sectio, inquit, productum morbosum materiae scrophulosae nobis sistit. Materia scrophulosa massam aequalem, ex albo flavescētum, cuius densitas, saltem ab initio, similis est densitati casei Helveticī, conspiciendam praeberet. Neque vasa, neque nervos in se continet, nullum integumentum in tela cellulosa adest; forma materiae scrophulosae adaptata est formae et structurae organi, in quo desedit. Exinde jam, quod for- ma tali modo ab organis pendet, in aprico est, massam scrophulosam nullam in se habere vim

vitalem, nullam esse pseudo-organisationem, sed productum morbi, alienum ab organismo, nullo vinculo cum eodem junctum. Massa ab initio solida postea dilabitur et diffliuit idque fit nentiquam inde ex certo loco, sed simul ex omnibus punctis (61).“ Si vero jam qualitatem tuberculorum, qualis a multis scriptoribus nobis propinatur, in memoriam revocamus, nullam fere, contradicente licet Schoenleinio, differentiam inter materiam scrophulosam et tubercula animadvertisimus.

Quamquam natura scrophulosa morbi tuberculorum et vis, quam constitutio scrophulosa in formationem tuberculorum exserit, in dubium vocari nequeant, tamen accurate indicare possumus, quid Andral et Lobstein de praedispositione et causis tuberculorum dicant. Elucet nempe ex Andralii observationibus, tubercula prae caeteris in individuis gigni, quorum cutis valde alba est parumque pigmentorum in reti vasorum capillarium prodit, et quorum genae ruborem terminis septum, qui insigni modo ab albo languido reliquae partis genarum discrepat, ostendunt. Defectus elementorum tinctantium in cute horum individuorum sese manifestans, in oculis etiam, qui colorem caeruleum infantiae servant, porro in crinibus, qui subflavi et simul rari sunt, appareat. Musculi in iis tenues atque molles sunt parvamque vim contractionis habent; sanguis porro serosus est atque fibrina et cruore eget; secretio pituitae praevallet. In ejusmodi hominibus facilissime congestiones sanguinis ver-

sus partes varias cutis et membranae mucosae oriuntur semelque ortae haud desinunt, chronicae fuit easque exulcerationes atque variae desorganisationes sequuntur, quibus nonnisi summa cum difficultate medela usserri potest et saepe quidem tantummodo per remedia, quae remediis antiphlogisticis sic dictis opposita sunt. Observatur quidem, dicit Andral, origo tuberculorum non solum in corporis constitutione modo descripta, videmus etenim phthisi pulmonum homines etiam fusci coloris, crinibus nigris et systemate muscularum valde exculto praeditos, succumbere; sed nihilominus duce experientia hanc legem adoptemus necesse est, numero organorum, in quibus tubercula nascentur, et multitudo tuberculorum in quovis organo certam rationem cum formatione majore constitutionis illius intercedere (62). — Lobstein sumit etiam, formationi tuberculorum semper diathesis morbosam antecedere; quae diathesis teste ipso facile dignoscitur ex temperamento lymphatico, i. e. ex habitu corporis laxo, languido et decoriore, ex formis valde rotundatis, carne facile comprimenda parumque elastica, modico caloris proventu, cuti humida, porro ex crinibus longis, subflavis, fere albis, sanguine seroso, magna copia pituitae, defectu irritabilitatis nervorum etc. (63).

Scriptores duo postremum commemorati in eo etiam convenienter, proclivitatem ad tubercula, in qua constitutio corporis, ab ipsis descripta, cernitur, tam connatam, quam serius adquisitam esse, in casu posteriori vero hisce praecepue

momentio exsuscitari: aëre impuro, humido, defectu lucis solis, itaque imprimis etiam habitacione locorum humidorum humiliumque, commoratione in regionibus insalubribus, palustribus solisque luce carentibus; victu angusto; usu alimentorum insalubrium vel stomacho resistantium et, quod ad infantes tenerae aetatis spectat, lacte matris vel nutricis scrophulosae, denique consumtionibus virium variae generis.

Quod denique Gendrin de observationibus, quas Broussais quoad causas tuberculorum instituit, dicit, cum iis, quae Andral et Lobstein nobiscum communicant, plane congruit. Cum verba ejusdem simul ad explicanda principia, quibus Broussais theoriam suam de natura et origine tuberculorum superinstruxit, faciant, neutquam oleum et operam perdidisse credimus, si verba ipsa hoc loco allegaverimus. Secundum facta a me allata, ait Gendrin, nullo modo necessarium videtur, observationes, caeterum gravissimi ponderis, quas Brussais in militibus lymphaticis et scrophulosis, qui in Batavia commorati catarrho tentabantur multoque saepius in phthisin incidebant, quam in Italia, instituit, accuratius excutere. Notandum tamen est, homines hosce tali jam corporis constitutione fuisse, quae scrophulus et tabibus tuberculosis, quae species scrophularum sunt, occasionem praebeat; situm porro humilem atque coelum Bataviae frigidum et simul humidum non minus factum esse ad phthisin scrophulosam, quam ad catarrhos pulmonum excitandos, ideoque in hisce catarrhis solummodo causam occasionalem morbi tuberculosi propter corporis constitutionem aegro-

torum atque vim, quam tale coelum in corporis constitutionem habet, jam imminentis cerni posse. Causis hisce in Italia cessantibus, earum effectus etiam cessabant (64).

Ex omnibus supra commemoratis sequi mihi videtur, morbo tuberculorum malum systematis chylopoëticæ, quo processus nutritionis turbetur, subesse et abnormi confectione succorum nutritionis, materiam illam formari, ex qua deinde per processum secretionis tubercula pro aetatis diversitate et aliis momentis in organis diversis oriuntur. Quae positio eo magis ad veritatem accedere videtur, cum interdum in vasis lymphaticis etiam materia tuberculosa reperiatur.

Caput III.

De frequentia tuberculorum.

Tubercula sunt morbus frequentissimus, nostris potissimum temporibus. Utriusque sexus personæ iisdem vexantur et uter sexus magis minusve iisdem succumbat, nondum exploratum est; de eo tantum, et quidem ex Louisii observationibus, constat, tubercula pulmonum (seu phthisin pulmonum tuberculosam) saepius in feminis quam in maribus obvenire. Quod aetatem spectat, infantia in primis et praeterea aetas juvenilis frequentissime tuberculis obnoxia est. Raro in aetate matura occurunt; sunt tamen exempla, quae docent in aetate demum LIX. anno.

rum, quin etiam in aetate provectioni tubercula adhuc exorta esse. Foetui etiam hic morbus neutiquum parcit, non enim deuant exempla, infantes cum iis natos esse. *Andral* de apparitione frequenti tuberculorum in diversis aetatis suis aliorumque observationibus haec ad liquidum perduxit:

I. Tubercula rarissime in foetu proveniunt.
II. Primis mensibus post nativitatem etiam rarissima sunt.

III. Serius quidem usque ad annum aetatis quartum frequentiora adsunt; nihilominus intra hoc tempus in cadavere semper parvus tantum numerus tuberculorum reperitur.

IV. Intra annum vero aetatis quartum et quintum tubercula in magno numero et in plurimis organis simul formantur.

V. In annis aetatis insequentibus multo saepius obvia sunt, quam ante annum aetatis quartum, rarius tamen, quam intra quartum et quintum aetatis annum.

VI. Post tempus pubertatis rursus frequentiora sunt; sed tunc non in omnibus omnino organis sine discrimine sedem ponunt, sed praecipue in pulmonibus, intestinis et in nonnullis partibus systematis lymphatici. Inde ab anno aetatis quarto decimo ad quadragesimum usque tubercula saepissime occurrunt, sed rarius morti causam suppeditant, quam in infantibus intra annum aetatis quartum et quintum. Diversa quidem temporis momenta, monente *Andral*, statuta sunt, quibus post pubertatis initium tubercula frequentissime inveniantur, sed, viris doctis non omnino consentientibus, nihil certi hac ex re

prodit; elucet tamen, cui personam sibi habet, ex observationibus tam ab aliis viris doctis quam a se ipso institutis, marem tuberculis potissimum intra annum aetatis vicesimum primum et vicesimum quintum attingi, feminam vero iisdem praesertim ante annum aetatis vicesimum subiectam esse.

Quod ad organa attinet, in quibus tubercula occurrunt, magna differentia frequentis tuberculorum apparitionis notanda est. Glandulas lymphaticas et pulmones organa illa esse, in quibus saepissime in tubercula incidimus, omnes scriptores uno quasi ore affirmant. Reliqua organa, duce *Baylio*, quoad frequentiam tuberculorum in iis, hoc ordine se excipiunt. Primum locum tenent membranae mucosae, deinde sequuntur renes, testiculi, hepar, lieu, glandula thyreoidea, cor, musculi voluntarii, uterus, stomachus, ossa, sistema nervorum. Contra hunc ordinem tamen *Meckel* monere posse putavit, sibi tubercula in systemate nervorum, in primis in cerebro, saepius quam in reliquis organis inde a glandula thyreoidea obvenire videri. Quando, dicit praeterea, in pulmonibus, glandulis lymphaticis, hepate, liene, membranis mucosis renibusque tubercula inter phaenomena nequaquam plane rara, in duobus prioribus organis adeo inter phaenomena plerumque obvia pertinent, e contrario rarissime in caeteris organis observantur. Caeterum notatu dignum est, quod respectu habito frequentiae tuberculorum in variis organis aetas per magnam vim exerceat; dum nempe in hominibus adultis pulmo illud

organum sit, in quo tubercula frequentissime nascantur dumque apud eos tubercula rarissime in aliis organis sese conspicienda praebant, quando pulmones tuberculosi haud fuerint; in infantibus contra alia sunt organa, in quibus tubercula saepissime proveniunt. Quod potissimum liquet ex comparatione duarum relationum sectionum a D. Lombardio, qui in centum personis adultis et in centum infantibus apparitionem tuberculorum in organis diversis observavit, in cadaveribus institutarum. Reperiebat nempe tubercula:

in pulmonibus apud adultos semper, apud infantes	73ies
in intestinis	—
—	26ies
—	—
—	9
in glandulis mesenterialibus	—
—	19
—	—
—	31
in glandulis bronchialibus	—
—	9
—	—
—	87
in glandulis cervicalibus	—
—	7
—	—
—	7
in liene	—
—	6
—	—
—	25
in glandulis lumbalibus	—
—	4
—	—
—	1
in pseudomembranis pleurae	—
—	2
—	—
—	1
in pseudomembr. peritonaei	—
—	2
—	—
—	11
in renibus	—
—	1
—	—
in hepate	—
—	1
—	—

Quam comparationem nunc non continuabimus, nam propositum nobis solummodo erat, differentiam insignem indicare, quae inter adultos et infantes in apparitione tuberculorum conspicua sit; adjiciamus tamen necesse est, Lombardium in multis aliis organis etiam

tubercula observasse. Animadvertebat nempe tubercula apud adultos ter in glandulis axillaribus et in glandulis mediastini anterioris, bis in ovariis et in musculis intercostalibus, semel in utero, in prostata, in vertebris et costis; apud infantes contra inveniebat tubercula quinques in pancreate et toties in glandulis gastrohepaticis. Quod apparitionem tuberculorum in systemate nervorum spectat, Lombardio apud adultos semel tantummodo tubercula in cerebro et in medulla oblongata bisque in medulla spinali obvia fuerunt. Quoties vero apud infantes tubercula in cerebro viderit, fugit nos, cum in universum commemoret, se apud infantes novies tubercula in partibus centralibus systematis nervorum observasse. Caeterum ex aliorum scriptorum narratione cognitum tenemus, tubercula cerebri apud infantes multo saepius obvenire, quam apud adultos, et teste Andral apud illos tubercula cerebri tam frequentia sunt, quam apud hos rara.

Differentia notabilis, quae quoad frequentiam tuberculorum in organis diversis apud infantes et apud adultos ex Lombardii relationibus sectionum appareret, observationibus etiam Andralii aliorumque virorum anatomiae peritorum in Francogallia confirmatur. Consentunt nempe viri docti inter se, apud adultos post pulmones intestina tenuia glandulasque mesentericas ea esse organa, ubi in tubercula frequentissime incidamus, apud infantes contra tubercula saepissime in glandulis bronchialibus adesse, quo in loco igitur saepius reperiantur, quam in pulmonibus; apud adultos porro inte-

stina multo saepius sedem tuberculorum esse, quam glandulas mesentericas, apud infantes vero contrarium obtinere. Andral ceterum monet, secundum observationes suas apud infantes tubercula in intestinis multo saepius reperi, quam uti ex Lombardii relatione constat. Memorabile est, addit Andral, apud centum infantes nunquam tubercula in hepatate et apud centum personas adultas nonnisi semel inventa suisse, cum contra in liene semel et tricies observata fuerint, licet in varia proportione apud infantes et apud adultos.

Tubercula vero non solum in hominibus obveniunt, sed magis minusve frequenter in variis animalibus etiam reperiuntur; in primis in simia, equo, sue, bove, porro in animalibus rodentibus et praesertim quidem in cuniculis etc. observantur. Inter aves psittaci potissimum morbo tuberculorum vexantur. Notatum dignum est monente Andral, quod plurimae bestiarum, in quibus tubercula iuvenimus, aut ex regionibus calidioribus in frigidiores translatae et libertate sua privatae fuerint (quod cadit in simios et psittacos), aut ejusmodi locis, quae humida sunt solisque luce et aeris renovatione carent (quod e. g. de vaccis, suis, cuniculis dicendum est) inclusae sint; aut tam perpetuis vicissitudinibus temperiei coeli, quam immoderatae contentioni corporis exponantur (uti e. g. equi).

C A P U T IV.

De vi, quam tubercula in organismum humanum exserunt.

Vis, quam tubercula in organismum humanum exserunt, pro diversitate organorum, in quibus sedem suam fixerunt, pro individuis in quibus obveniunt et pro maiore vel minore progressu formationis diversa est. Tubercula parva plerumque nou magnam vim in organismum habent et, quando in prima formatione sua permanent, salva structura et functione organorum, in quibus nata sunt, adesse possunt. Tubercula majora contra fere semper in structuram ideoque etiam in functionem organi, in cuius parenchymate formantur, vim noxiā exercent. Massa nempe sana loco suo depellitur et pro ratione, qua hoc sit, functio etiam organi turbatur. Quae omnia in tuberculis pulmonum dudum jam demonstrata sunt. Quando in pulmone parva tantum tubercula granis milii similia inveniuntur, tunc nondum mutatio aliqua oculis percipienda in structura tela pulmonis, quae etiam in colore suo plerumque omnia signa status integri prae se fert, adest. Rami arteriae asperae ad extremos usque ramusculos et usque ad vesiculos pulmonum inter tubercula granis milii similia, quae in tela cellulosa inter vesiculos pulmonum sedem suum habent, pervii sunt; quod eodem modo sese habet in arteriis et venis pulmonum. Ubi contra in majores tuberculorum massas incidimus, ibi magna etiam conspicua est mutatio in tela pulmonum; vasa

sunt obliterata, ramifications branchiales de-
structae reperiuntur, idque eo magis quo ma-
jora sunt tubercula. Pulmo tuberculosus desti-
tuitur itaque capacitate partim aëris partim san-
guinis; unde mutationes tam mechanismi respi-
rationis, quam processus haematosis sequantur
necessere est. Effectus caeterum, quem tubercula
pressu in partes organicas exserunt, uti jam di-
ximus, pro diversitate organorum diversissimus
est; ita e. g. tubercula si in vicinia partium
multum valentium systematis nervorum oriuntur,
pressu et turbatione functionis illarum causae
mortis repentinae esse possunt. Effectui porro
mechanico tuberculorum hoc adnumerandum
est, quod desidente materia tuberculosa in or-
ganis gravitas tam specifica, quam absoluta eo-
rum augetur. Quod gravitatis augmentum ae-
grotus adeo sensibus suis percipit, dum nempe
in status integritate gravitas singulorum organo-
rum nullo modo conspicua est, nunc jam sen-
titur; ita e. g. qui tuberculis pulmonum affec-
ctus est, gravitatem quandam in pectore patitur.

Sed tubercula non solum mechanico,
sed etiam dynamico modo vim suam probant,
scilicet tanquam stimuli, haecque eorum vis
dynamica sese accommodat ad irritabilitatem
nervorum individui nec non ad sensibilitatem
majorem minoremque singulorum organorum.
Tubercula aliena sunt ab organismo, qui igitur
haec corpora aliena expellere cupit, quod pro
diversitate organi, ubi sedem suam posuerunt,
vario modo ostenditur e. g. in tuberculis pul-
monum tussi, in tuberculis cerebri spasmis,
convulsionibus etc. Irritatio vero tuberculis

excitata non solum rectiones illas, quae pro
contentione naturae medelam aegrotis afferendi
habentur, producit, sed causa etiam est, ex
qua in organis tuberculosis inflammatio erit.
Praesentia hujus inflammationis plerisque in ca-
sibus post mortem aegroti demum evinci potest,
ante mortem enim saepissime nullo plane dolo-
re proditur; quod forsitan ex parva nervorum
irritabilitate individuorum tuberculitis oppresso-
rum explicari debet. Inflammationem partium
organorum, quibus tubercula proxime circum-
dantur, causam emollitionis tuberculorum esse
a multis, ut supra jam vidimus, scriptoribus
affirmatur, ab aliis contra negatur. Mihi qui-
dem videtur, eam hoc casu effectu non carere,
sed maiore cum verisimilitudine contendi po-
test, inflammationem, dum in personis morbo
tuberculoso correptis et in organis tubercu-
losis facilime in pejus vertitur et in ex-
ulcerationem transit, causam vastationum illa-
rum esse, quae in cadaveribus hominum tuber-
culis consumptorum nobis obviae sunt. In aliis
tamen rasibus inflammatio causa recuperandae
sanationis esse potest, dum, secretione materiae
tuberculosis, quae potissimum vastationibus il-
lis occasionem praebuit, finita, quod solummodo
diathesi morbosa emendata fieri posse veri-
simile est, sola circa focum morbi cum pro-
ductis suis peculiaribus remaneat, causam de-
inde dat exhalationi lymphac coagulabilis, qui
statim in organi formam transire et vastationem
prius ortam exaequare potest.

Quod si jam ex symptomatibus, quae tu-
bercula secum ducunt quaeque pro diversis or-

ganis diversissima sunt, diagnosin tuberculorum determinare velimus, mox intelligemus difficilium saepe esse, praesentiam tuberculorum in organismo cognoscere, cum eorum praesentia haud raro nullis plane symptomatibus prodatur vel cum symptomata, quae ex tuberculis locum habent, aliis etiam ex causis derivari possint. In distinguendis tantum symptomatibus tuberculis pulmonum, quae plerumque causam phthisis pulmonalis in se continent, maxima cura est adhibita, tum tubercula pulmonum prae caeteris observata fuerint. Laennecio autem debetur, quod nostris temporibus adhibita percussione et auscultatione mediata (ope Stethoscopij) magni progressus in diagnosi tuberculorum pulmonum facti fuerint. Quod primuu percussione spectat, ea nullam ostendit soni mutationem, quando tuberculorum parvus tantum numerus adest, vel quando non prope superficiem pulmonum sedent. Obtusus autem fit sonus in percussione, si massa tuberculosa major et prope superficiem pulmonis est; cum lobulus superior et praesertim quidem lateris dextri primum et frequentissime affectus esse soleat, plerumque accidit, ut sonus percussionis in vicinia claviculae, potissimum lateris dextri, primum obtusus fiat. Potest vero etiam sonus percussione certis in locis claritate peculiari insignis esse et ibi quidem, ubi cavitates ampliores prope superficiem sitae sunt. — Quod ad sonum respirationis attinet, nulla in hoc etiam percipi potest mutatio, si numerus tuberculorum tam modicus adhuc est, ut pulmones pervii maneant; obtusus vero redditur magis magisque

evanescit, quo magis pulmones ob massam tuberculosa in iis congestam invii fiunt et quidem vel in superficie tantum, vel etiam ad profundum usque. Quando caeterum degenerations in profundo tantum exstant, superficies contra pervia est, sonus respirationis semper clarus manet; obtusio ejus in universum ibi primum auditur, ubi in sono percussionis etiam obtusio animadvertisitur. Sonus respirationis vero saepe etiam intentus et clarus est, quod nimirum in ejusmodi locis observatur, ubi dilatationes bronchiarum adsunt et praesertim ubi cavitates tuberculosae prope superficiem exstant. Sonus respirationis tunc eo, quod aer fortiori modo in partes pulmonis, quae perviae manserunt, influit iterumque ex iis effluit, augetur et quando praesertim cavitates tuberculosae prope superficiem adsunt, saepe aërem magno strepitu influere et effluere audimus. Sonus respirationis raro etiam est ubique strepitus pure flans, immo saepe, saltem singulis in locis, humidus siccusve crepitus, sibilus vel stridor auditur, quoniam secreto membranae mucosae mutationem magis minusve morbosam subiicit et etiam materia tuberculorum emollita in bronchias penetrat. Magni momenti porro interdum sunt mutationes in sono vocis conspicuae. Haud raro, quando aegrotus loquitur, in loco pectoris accurate determinato animadverlimus, vocem ita sonare, ac si immeditate ex tubo acustico veniat, atque tunc sonum multo fortiorum edere per stethoscopium, quam per aurem nulla arte adjutam. Hoc phaenomenon, quod a Laennecio Pectoriloquie, locutio pectoris,

appellatur, praesentiam cavitatis tuberculosae indicat. Si vero similis resonantia vocis non in certo loco auditur, sed per totum pectoris circuitum observatur, descendit jam ex hepatisatione et induratione substantiae pulmonum vel ex dilatatione ramorum bronchialium et nomine Bronchophoniae insignitur. Pectoriloquium (Pectoriloquie), quod majore vocis claritate etiam a Bronchophonia differt, tunc distincte percipitur, si cava^tas quaedam prope superficiem pulmonum extat. Cum vero in uno eodemque pulmone cavitates, hepatisationes et rami bronchiales dilatati occurrant, facile intellectu est, pectoriloquium non semper aequ^eclarum et certum esse posse. Observatur nempe in interiori pectoris parte mox in loquendo, mox in tussiendo, mox in spiritu ducendo strepitus plane similis ei, quem paterna metallica vel vitrea vel porcellanica, si leviter acu tangitur vel si in eam granum arenae decidere sinimus, facit. Hic strepitus, qui a Laennecio sonitus metallicus nominatur, pendet a resonantia aëris respiratione, tussi vel voce in superficie liquoris, qui cum ipso spatiu^m cavitatis in pectore implet, commoti. Obvenit itaque strepitus talis tam in cavitatibus tuberculosis, quam in effusionibus pleuriticis, ubi simul Pneumothorax adest (65). Pertinent itaque quae modo diximus ad signa, quae auscultatio nobis ad diagnosis degenerationis tuberculosa pulmonum statuendam suppeditat. Potest caeterum, teste Andral, sola manus impositione in latera pectoris pariter atque auscultatione locus, ubi cava^tas tuberculosa adest, indagari (66).

Mente nunc comprehendimus, omnibus omnino indicis supra allegatis, quae nobis auscultatio largitur, tunc demum diagnosis sere indubitatem reddi, quando tubercula ad altum jam formationis gradum adscenderint quandoque medicus non multum amplius facere possit ad malum avertendum. Quis vero cum certitudine praesentiam tuberculorum tunc, ubi pauca adhuc symptomata secum ducunt et nondum molestias magnas afferunt et ubi forsitan ex dicto Ciceronis: „omne malum nascens facile operimur;“ sanationi adhuc facile locus daretur; cognoscere valet? Accidit hinc crebro, dicit J. Frank clarissimus, ut maximae insidiae pulmonibus struantur, quin vel umbra hujus periculi palam fiat, idque eo magis cum aegroti, qui talia patiuntur, fatali facultate polleant, quaestiones eludendi, propria mala celandi, falso interpretandi sicque medicos incertos in errorem ducenti (67).

Cum diagnosis tuberculorum pulmonis tam imperfecta adhuc sit, eo minus perfecta est respectu reliquorum organorum, in quibus tubercula multo rarius observata sunt. Lobstein haec edicit: Quamdiu tubercula in statu crudo adhuc sunt neque functioni organi aliquius nobilis impedimentum objiciunt, mala gravia non efficiunt; praesentia eorum ne ullo quidem symptomate proditur et in alteratione organi aliquius progressus fieri potuerunt, antequam medicus malum suspicetur (68). Quae difficultas diagnosis eo magis dolenda est, quo eas-

pius morbus tuberosus, nisi mature emendatione diathesis morbosae, e qua tubercula oriuntur, propagatio mali coērceatur, cum morte aegroti finitur. Caeterum diagnosis imperfecta manebit, si tubercula pro morbo locali habentur; si vero constitutionis corporis, praedispositionis, quae vel hereditaria, vel connata vel adquisita esse potest, status pristini valetudinis, causarum denique occasionalium, de quibus supra jam verba fecimus, diligenter ratio habetur, fortassis non admodum multis opus erit indiciis ad morbum tempestive cognoscendum.

Mors per tubercula dupli modo adduci potest: aut immediate, aut dum tubercula aliis affectionibus letalibus causam praebent, ita e. g. si tubercula pulmonum suppurationem hujus organi et tubercula hepatis ascitem, qui ex turbatione circulationis liberae sanguinis descendit, efficiunt. Immediate tubercula mortem hisce modis afferre possunt: 1) pressu organorum ad vitam absolute necessariorum et retardatione actionis organorum liberae, quod e. g. locum habet in tuberculis cerebralibus, quibus partes basilaris cerebri premuntur, vel in tuberculis ventris ob pressum systematis gangliorum; 2) eo, quod per immensam tuberculorum multitudinem structura organorum tantopere frangitur, ut functio eorum non amplius procedere possit; quod e. g. in tuberculis pulmonum animadverte licet, ubi aegrotus nonnunquam suffocatione necatur, priusquam tubercula mollescere incepint.

C A P U T V.

De differentia inter tubercula aliaque producta morbosa.

Diu viri docti tubercula cum granulationibus pulmonis inflammatoris confundebant, unde etiam sententia de origine inflammatoria tuberculorum maximam partem repetenda est; vidi mus autem capite primo hujus dissertationis, tubercula a granulationibus inflammatoris pulmonis distinguenda esse ibique differentiam inter haec duo producta via anatomica exposui mus. Nunc, postquam de causis tuberculorum eorumque vi in corpus humanum verba fecimus, addere jam possumus, tubercula diathesi morbosae originem suam debere, cum granulationes pulmonis inflammatoriae morbus localis sint, atque praesentiam tuberculorum plerumque nullis doloribus, immo ne molestiis quidem majoris momenti indicari, cum e contrario granulationes pulmonis inflammatoriae fere semper doloribus prodantur et cum symptomatibus gravioribus respirationis turbatae conjunctae sint.

Cavendum porro est ne cum tuberculis substantiam lardaceam commisceamus, quae duce Lobstein inter producta peculiaria accidentalia, pariter ac tuberculum, scirrus, sarcoma medullaris (fungus haematodes), pertinet (69). Haec substantia, quae plerumque in massas collecta in tela organorum occurrit, conspiciendam praebet materiam ex flavo canescemt, magis

minus consistentem, duram et pressui renitentem, quae adipi snillo rancido similis neque fibrosa neque in forma linearum ostenditur, sed haud raro formam lobulorum habet. Quando semel commixtio substantiae lardaceae cum tela organorum ejusque degeneratio ad finem jam perducta est, pristina forma nunquam ad priorem statum suum revertitur. Interdum quidem vita aegroti per longum adhuc spatium conservatur, sed temporis momento plane non determinando nova in parte morbosa expurgiscitur agitatio; nova substantia laxa mollisque fit et aegrotus febri hectica absumuntur. Saepius etiam eadem substantia, posquam multos per annos nullos dolores commovit, periodo vitae critica in degenerationem scirrhosam, ad quam valde inclinat, transit. Substantia lardacea, quae quidem analogiam aliquam cum materia tuberculosa habet, nam, uti haec, plane organisatione caret et nequit per inflammationem, sed potius propter anomaliam processus nutritionis in telis organicis desedisse videtur, tamen auctore Löbstein multis modis a materia tuberculosa differt, scilicet: 1) Substantia lardacea non a granulationibus rotundulis per telam organorum dispersis incipit, sed telam eorum per majus spatium afficit; 2) nunquam observatum est, substantiam istam sacco obductam esse; 3) eadem licet etiam emolitionis quodammodo capax sit, nequaquam tamen, quemadmodum materia tuberculosa, tres gradus illos quoad consistentiam diversos percurrit et nunquam sub forma pultis aequalis appareat; 4) substantia tum lardacea nunquam uti

materia tuberculosa, magnum numerum organorum simul corripit nec porro, uti haec per systema aliquod organicum sese plane extendi multoque minus cum diathesi generali cohaerere videtur, quamvis etiam praedispositionem aliquam morbosam ponat; 5) auget denique frequentissime volumen organorum formasque eorum plane destruit.

Recentissimis temporibus nonnulli scriptores sese magnam inter scirrum et tubercula similitudinem reperiisse contenderunt, et Neumannus quidem opinionem proposuit, tuberculum nihil aliud esse quam scirrum (70). Non est quod suscitemus, causam hujus opinionis in diversitate notionis, quae cum tuberculis conjuncta sit, quaerendam esse. Cognitum vero tenemus, quid nunc plerumque sub tuberculis intelligatur quasque qualitates haec producta nobis conspiciendas offerant; nostrum itaque, ut veritatem opinionis Neumannii recte examinemus, est, docere, quacnam sint notae communes scirri.

Sub scirrho intelligitur tumor nodosus durus, inaequalis, rigidus, qui, si via anatomica exploratur, haecce signa nobis sistit. Reperiuntur nimurum in dissecando tumore scirrhoso, tumorem hunc ex massis, lobos in se continentibus, qui protuberantias verrucosas tumoris efficiant, constare. Qui lobi tela cellulosa densissima inter se conjuncti et ipsi iterum in lobulos minores divisi sunt. Ope microscopit duas substantiae in scirrho deprehenduntur.

Prior haud pellucida fibrosaque speciem aliquam organisationis prae se fert et cellulas irregulares format, in quibus substantia altera secundum speciem inorganica, plus minusve pellucida et interdum cornea inclusa est. — Tela scirrhosa tempore vel breviori vel longiori praeterlapso mollescit; vasa in intervallis lobi- rum lobulorumque sese extendentia augescunt et facile tunc animadverti potest, vasculum aliquod ad quemvis lobulum scirrhosum parvum protrahi (71). Similis tela scirrhosa minus pellucida fit et in materiam mollem, cerebro foetus similem, inde materiam cerebriformem nominatam, quae pro morbi progressu incrementum capit, transmutatur. Similatque materia haec cerebriformis formatur, scirrus in cancrum vel carcinoma transit. Sentiuntur tunc in scirrho punctiones penetrantes doloremque permagnum commoventes et per progressum ulteriore effaciae pathologicae ulcus oritur cum marginibus duris, reflexis et superficie inaequali, ex qua surgunt excrescentiae fungosae, quae sanies vel ichor foetidum producunt, multa vasa capillaria in se complectuntur et, si vel minime tangantur, sanguinem fundunt. In nonnullis locis cancri duritiae inaequalis sentitur, quae originem suam ex partibus scirri nondum plane emolitis trahit; aliis in locis contra pressu materia cerebriformis vel etiam sanies pellucida, foetida et acris exprimi potest.

Jam igitur in substantia scirrhosa, si cum tuberculis comparetur, haec differentiae memoratu dignae conspicuae sunt: 1) Materia scir-

rhosa neviqnam sola in tela cellulosa vel in parenchymate organorum sub forma granorum vel parvorum tumorum rotundorum reperiatur, uti substantia tuberculosa; 2) nunquam capsula inclusa est; 3) inter omnes substantias organismo repugnantes densissima durissimaque est; 4) non ejusdem gradus emolitionis capax est, uti substantia tuberculosa, sed peculiarem laxitatem patitur, quod in statum praecipue fungosum et cum formatione novorum vasorum sanguinis conjunctum transit; 5) oriuntur in eadem qualitates vitales haeque valde augmentur et concitantur, quod in tuberculis non observatur. Quibus notis characteristicis sequentia etiam adnumerari possunt: tuberculis juventus magis afficitur, scirrus contra aetatis prevectoris proprius est; tubercula porro quod ad quantitatem pertinet, in majore numero, quod ad localitatem spectat, variis in locis apparent; scirrus e contrario ad unum aliquod organum restrictus esse et singulatum obvenire solet, licet dispositio aliqua scirrhosa universalis statui sane possit.

Superest, ut paucis adhuc verbis de melanosi dicamus, quam nonnulli scriptores (e. g. Broussais) pro varietate tuberculorum habuerunt. Re vera itaque obligatio nobis incumbet signa principalia melanosis indicandi, ut deinde judicium de ejusdem vel analogia cum tuberculis, vel differentia ab iis ferri possit. Prins tamen quæstio decidenda est, num melanosis proprii generis substantia sit atque productus modo accidentali formatis, qualia tuber-

cula, scirrus aliaque sunt, adscribi possit. Inde a Laennecio quidem scriptores melanosis pro accidental producto sui generis habuerunt, sed recentissimis observationibus intra fines anatomiae pathologicae institutis extra omnis dubitationis aleam positum est, melanosis neutiquam productum pathologicum sui generis, sed acutum simplicem esse, quo organon aliquod modo integrum, modo alteratum, modo etiam accidental ratione formatum colore nigro imbuitur.

- 1) Van Swieten Commentarii in Boerh. Aphor. de cognoscend. et curand. morb. Tom. IV. p. 59. — 2) Phthisiologia. Lond. 1689. germanice Helmstädt. 1780. — 3) Ueber die Natur und Heilung der Lungensucht. Aus d. Engl. v. A. F. Diel. 1787. — 4) Traité de la phthisie avec la methode préservative et curative de cette maladie. Paris. 1784. Deutsch v. Vogel. Jen. 1784. — 5) Observations sur la nature et le traitement de la phthisie pulmonaire. Paris 1793. Deutsch mit Anmerkungen v. Muehry. 2 Bde. Hannover 1799 und 1802. — 6) Baillie's Anatomie des krankhaft. Baues des meschl. Körpers. Aus dem Engl. v. Sömmerring. — 7) Biologie, von G. M. Treviranus. I. Band. Götting 1802 p. 132. — 8) Journal de Méd., Chirur. et Pharm. Tom. VI, IX et X. — Recherches sur la phthisie pulmonaire,

Paris 1810, par Bayle. — 9) Laennec's Abhandlung von den Krankh. der Lungen und des Herzens etc. Aus d. Franz. von Meissner. I. Theil. Leipzig 1832. S. 421. u. s. w. — 10) Recherches sur la phthisie pulmonaire, par Bayle p. 26. — 11) Recherches, Observations et Expériences sur le développement naturel et artificiel des maladies tuberculeuses, par Baron, traduit de l'Anglais par Mad. Boivin. — Revue médicale française et étrangère. Tome 2. p. 106 etc. — 12) Précis d'Anatomie pathologique, par G. Andral. Tome I. Paris 1829. p. 410. — 13) Allgemeine und specielle Pathologie und Therapie. Nach Schönleins Vorlesungen herausgegeben von einem seiner Zuhörer. 3 Bände. 2te Aufl. Würzburg 1832. — 14) l. c. — 15) Gendrin's Anatomische Beschreibung der Entzündung und ihrer Folgen. Aus dem Franz. v. Radina. 2. Theil. Leipzig 1829 p. 487 etc. — 16) l. c. p. 249—252. — 17) Recherches anatom. pathol. sur la phthisie, par P. Ch. Louis. Paris 1826 p. 2 sq. — 18) l. c. p. 7. — 19) ibidem. — 20) Anatomie pathologique, par Andral. Tom I. Paris 1829

p. 407. — 21) l. c. p. 408. — 22) l. c. p. 410. — 23) l. c. p. 413. — 24) Recherches sur la phthisie pulmonaire. — 25) Clinique médicale, par G. Andral. T. II. Paris 1829. p. 5—11. — 26) Observationes anatomico-pathologici et practici argumenti, auctore Schröder van der Kolk. Fasciculus I. Amstelodami 1826 p. 64. — 27) l. c. p. 65. — 28) Lobstein's Lehrbuch der pathologischen Anatomie. I. Bd. Stuttgart 1834. p. 318. — 29) Anatomie pathologique p. 418. — 30) ibidem. — 31) Lehrbuch der pathologischen Anatomie. I. Band. pag. 318 — 32) l. c. pag. 319. — 33) Meckel's pathol. Anal. 2. Band. 2. Abthl. Leipzig 1818 p. 373. — 34) l. c. p. 321. — 35) Clinique médicale. T. II. p. 13. — 36) l. c. p. 322. — 37) Anat. pathol. T. I. p. 417. — 38) Laennec's Abhandlung von den Krankh. der Lungen und des Herzens etc. I. Th. S. 430 sq. — 39) Gendrin's anat. Beschreibung der Entzündung und ihrer Folgen etc. S. 493. u. s. w. — 40) Anat. pathol. T. I. p. 415. — 41) Lehrbuch der pathologischen Anatomie. I. Bd. pag. 332. — 42) l. c. pag. 322.

— 43) l. c. p. 334. — 44) Die Erscheinungen und Gesetze des organischen Lebens, von Trewiranus. I. Bd. Bremen 1831 p. 9. — 45) Lobstein's pathol. Anatomie. I. Bd. S. 403. — 46) l. c. p. 106 et 112. — 47) Anat. pathol. T. I. p. 417. — 48) Voigtel's pathol. Anatomie. 2. Bd. Halle 1804. S. 260. — 49) Andr. Duncan, Beobachtungen üb. d. unterscheidenden Symptome der drei Hauptgattungen der Lungenschwindsucht. Aus dem Engl. von Choulant. Leipzig 1817. — 50) Praxeos medicæ universæ præcepta, auctore J. Frank. Partis secundæ vol. secund. Sectio I. Lipsiae 1823 p. 513. — 51) Baillie's Anatomie d. krankhaft. Baues des menschl. Körpers. A. d. Engl. von Sömmering. S. 39. — 52) Meckel's pathol. Anatomie. 2. Bd. 2. Abth. S. 377. — 53) Clinique medicale, par Andral. Tome II. p. 17. — 54) Recherches sur la phthisie pulmonaire p. 422. — 55) Examen des doctrines médicales, par Broussais. T. I. Paris 1821 proposition 168. — 56) l. c. proposition 169. — 57) l. c. prop. 184. — 58) Observationes anatomico pathologici et practici argumenti, auctore Schröder

van der Koik. Fasciculus I. — 59) l. c. p. 23. 60) Allg. u. spec. Pathologie u. Therapie. Nach Schönlein's Vorlesungen etc. S. 108. — 61) l. c. p. 66. — 62) Anat. patholog. Tom I. p. 434. — 63) Lobsteins pathol. Anat. p. 335. — 64) Gendrin's anatom. Beschreibung der Entzündung und ihrer Folgen etc. 2 Thl. p. 498. — 65) Laennec's Abhandlung von den Krankheiten der Lunge und des Herzens und der mittelbaren Auscultation als eines Mittels zu ihrer Erkenntniß. Aus dem Franz. von Meissner. I. Th. Leipzig 1832. — 66) Clinique médicale, par Andral. Tome II. p. 66. — 67) Praxeos medicæ universæ præcepta, auctore J. Frank. Partis secund. vol. secund. Sectio I. p. 523. — 68) Lobsteins patholog. Anatomie. I. Bd. S. 325. — 69) pathol. Anatomie. I. Bd. p. 336 sq. — 70) Neumann's specielle Pathologie u. Therapie. I. Bd. Berlin 1832. p. 799 etc. — 71) Gendrin's anatom. Beschreibung der Entzündung etc. 2 Thl. p. 503.
